

Ilanngussaq A



**Aningaasaqarnermut Nunallu Avannarliit
Suleqatigiinnerannut Naalakkersuisoq
-/ Maani**

Assilineri: Inatsisartut ataatsimiititaliaat

Ulloq: 13. september 2019

J.nr.: 01.31.11-00019

Naalakkersuisut 2020-mi aningaasanut inatsisissatut siunnersuutaat

1. Aallarniut

Aningaasaqarnermut Akileraartarnermullu Ataatsimiititaliap 2020-mi aningaasanut inatsisissatut siunnersuummut aallarniutitut apeqqutai oqaaseqaataalu matumuuna nassiunneqarput. Aningaasaqarnermut Akileraartarnermullu Ataatsimiititaliap 2019-imi juulimi Ilulissani missingersuutit pillugit isumasioqatigiinnermini aningaasaqarnermut inatsisissatut siunnersuummik tamarmiusumik misissuina apeqqutinut pingaarnertut tunngavigineqarpoq.

Allamik allassimasoqartinnagu quppernernut innersuussutit aningaasanut inatsisissatut siunnersuutip kalaallisuanut innersuussutaapput.

2. Oqaasertaliussat

Naalakkersuisut Siulittaasuat – Suliassaqarfik 10-12

2.1 Konto pingaarneq 10.13.10 Iluanaarutit, aktianik piginneqatigiiffinniit piginneqataasutit tunisinerillu

- a) Oqaasertaliussaq una aqqutigalugu aningaasaateqarfimmut aningaasaliissutigineqartussat qanoq annertussuseqartussat Naalakkersuisunit naatsorsuutigineqarpat?
- b) Oqaasertaliussaq una aqqutigalugu aningaasaliunneqartut mittarfiliortiternerup sania-tigut allanut aningaasalersuutitut atorneqarnissaat Naalakkersuisunit naatsorsuutigineqarpat?

2.2 Konto pingaarneq 10.13.11 Aktiaateqarluni ingerlatseqatigiiffinnut toqqaannartumik aningaasartuutit

- a) Konto pingaarnermut matumunnga oqaasertaliussaqarpoq, taanna malillugu Kalaallit Airports Holding A/S-imut aningaasaliinikkut Siunissamut ungasinnerusumut Aningaasaateqarfimmut aningaasaliissuteqarnissamut Naalakkersuisut piginnaatinneqarput, taamaattorli amerlanerpaamik 1 mia. kr.-inik. Tamatuma Aningaasaqarnermut Akileraartarnermullu Ataatsimiititaliap akuersissuteqarneratigut pinissaa ilanngunneqassasoq ataatsimiititaliamit kissaatigineqarpoq. Siunnersuutip aappasaaneerqarneranut pingajussaaneerqarneranulluunniit atatillugu Naalakkersuisut tamanna pillugu allannguutissatut siunnersuuteqarnissaat ataatsimiititaliamit naatsorsuutigineqarpoq.

- b) Taamaalilluni mia. kr. ataaseq Namminersorlutik Oqartussat ingerlatseqatigiiffimmut aningaasaliinissamik pisariaqartitaannut matussutaasinnaassasoq Naalakkersuisut isumaqarpat?
- c) Oqaasertaliussami matumani allannguutit annertuut itisilernerullugit oqaaseqarfigineqassasut ataatsimiititaliamit kissaatigineqarpoq. Allannguutit taakku mittarfiliortiternernut, aammalu Kalaallit Airports A/S-imut aningaasaqarnikkut qanoq kinguneqassappat?

Aningaasaqarnermut Nunanilu Avannarlerni Suleqatigiinnermut Naalakkersuisoq – Suliassaqarfik 20-24

2.3 Konto pingaarneq 20.11.50 Ingerlatsinermit sillimmatit

- a) Konto pingaarnermit matumunnga oqaasertaliussaqarpoq, tassani oqaatigineqarluni ”suliniutinut pilersaarummik akuerisamik suliaqartoqarsimanissaa”.
- b) Pilersaarut taamaattoq kimit akuerineqassava?
- c) Konto pingaarnerit sorliit oqaasertaliussaq nr. 3-mi ilaatinneqarpat?

Isumaginninnermut Inatsisinillu Atuutsitsinermit Naalakkersuisoq – Suliassaqarfik 30

2.4 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

Ataatsimiititaliaq oqaasertaliussaq nr. 4-mut imaattunik apeqqutissaqarpoq:

- a) Angallatit ilaasoqarsinnaasutut akuerineqarsimanissaat piumasaqaataava? Angallammik aquttup umiartorsinnaanermut uppersaateqarnissaa il.il. piumasaqaateqaataava?
- b) Angerlarsimaffiit tamarmik immikkut namminneq angallateqarnissaannut taarsiullugu angallatinik ilaasoqarnissaasutut akuerisanik aquttulinnik attartornissamat tapiissuteqartarnissaq Naalakkersuisunit isumaliutigineqarsimava?

2.5 Konto pingaarneq 30.13.41 Innarluutilinnut angerlarsimaffiit

- a) Assartuinermit suliasat oqaasertaliussaq nr.- 3-mi nr. 4-milu ilaatinneqartut suliffeqarfinnit naleqquttunik angallateqarlutillu piginnaaneqartunit sullississutitut angerlarsimaffinnit pisiarineqartarnissaat amerlasuutigut naapertuuttasoq ataatsimiititaliaq assigalugu Naalakkersuisut isumaqarpat?
- b) Angerlarsimaffiit illoqarfeqatigisat illuaqqanik angallatinillu angallatinillu atuisarnermik avitseqatigiittarnissaat ataatsimiititaliaq assigalugu Naalakkersuisunit naapertuuttutut isigineqassava?

Ilnniartitaanermut, Kultureqarnermut, Ilageeqarnermut Nunanullu Allanut Naalakkersuisoq – Suliassaqarfik 40

2.6 Konto pingaarneq 40.98.02 Nuna tamakkerlugu digitalinnqortitsinissamat periusissiap atuutsilernera

Nr. 1.

- a) Qanoq amerlatigisut isumaqatigiissuteqarfigineqarpat aammalu isumaqatigiissutit taakku qanoq annertutigisumik sipaaruteqarfiuppat?
- b) Piginnaatitsissut matumani pineqartoq naapertorlugu qanoq isumaqatigiissuteqartoqarpa?

Inuussutissarsiornermut, Nukissiuuteqarnermut Iisimatusarnermullu Naalakkersuisoq – Suliassaqarfik 62-64

2.7 Konto pingaarneq 62.30.01 Atuisartunut Unammilleqatigiinnermullu Aqutsisoqarfik, allaffissorneq

Nr. 1.

- a) Piginnaatitsissut matumani pineqartoq ukiut kingulliit pingasut ingerlaneranni Naalakkersuisut qasseriarlutik atorpaat aammalu aningaasat taakkunani qanoq amerlatigisut pineqarpat?
- b) Suliniutit aningaasanut inatsisit ukiuinut arlalinnut ingerlanneqartariaqalernerannik kinguneqartumik kinguaattoorfiusinnaasutut Naalakkersuisunit isigineqartut pillugit oqaasertaliussami oqaaseqartoqtarnissaa amigaatigineqarpoq.

Nr. 3.

- a) Piginnaatitsissut matumani pineqartoq naapertorlugu ukiut pingasut kingulliit ingerlanerani ukiuni arlalinni atuuttussanik qassinik qanorlu ittunik isumaqatigiissuteqartoqarpa?
- b) Isumaqatigiissutit taakku qanoq annertutigisumik sipaaruteqarfiuppat?

2.8 Konto pingaarneq 64.01.05 Nunaqarfinni isorliunerusunilu inuussutissarsiutinik ineriartortitsineq

- a) Ukiut kingulliit pingasut ingerlaneranni piginnaatitsissut matumani pineqartoq Naalakkersuisunit qasseriarluni atorneqarpat aammalu pisuni aalajangersimasuni taakkunani aningaasat qanoq amerlatigisut pineqarpat?
- b) Kommunini ataasiakkaani qanoq amerlatigisunik isumaqatigiissuteqartoqarpa?
- c) Isumaqatigiissuteqarnissamut piumasaqaatit immikkut ittut tamatigut eqquutsinneqartarsimappat aammalu kifpartuussinissamik isumaqatigiissutit atorunnaarnerisa kingorna isumaqatigiissutit qanoq amerlatigisut ingerlatsinerup ingerlaannarnissaanik qulakkeerutaasinnaasimappat?
- d) Nuussinissanut piginnaatitsissutit suugaluartulluunniit Inatsisartunit akuerineqartussaammata ataatsimiititaliamit eqqumaffigeqquneqassaaq. Aningaasaliissutit atugassiissutigineqarnerat missingersuutitut tunngavissarititaasut naapertorlugit pisimanngippat ataatsimiititaliamit naapertuussorineqanngilaq. Taamaattumillu aningaasaliissutit missingersuutitut tunngavissarititaasunik sanioqqutsisut atugassiissuteqartigineqartinnagit Aningaasaqarnermut Ataatsimiititaliamut akuerisassanngorlugit inassutigineqaaqassapput. Aningaasanut inatsisissatut siunnersuutip aappassaaneerineqannginnerani allannguutissatut siunnersuuteqarnermikkut missingersuutitut ilanngusami immikkoortup kingulliup tullia (qupp. 625) peeqqullugu Naalakkersuisut ataatsimiititaliamit inassuteqarfigineqarput.

2.9 Konto pingaarneq 64.10.06 Taarsigassarsianut qularnaveeqquusiissutit akilerneqarneri

- a) Oqaasertaliussaq matumani pineqartoq qaqugu pisariaqarunnaartussatut Naalakkersuisunit takorloorneqarpat?
- b) Inatsimmik allamik tunngaveqarsimagaanni qularnaveeqqutit aningaasaliissutitigut tunngavissaqarnissaat piumasaqaataanngilaq. Oqaasertaliussap siunertarisaata allatut kaajallaasitami nalunaarummiluunniit allassimanissaata naapertuuttuunera Naalakkersuisunit isumaliutigineqarsimava?

2.10 Konto pingaarneq 64.10.25 Iliusissanik suliqaarneq

- a) Konto pingaarnermut oqaasertaliussaq 2-mi piginnaatitsissutit suna siunertaraa?

- b) Oqaasertaliussami missingersuutitut ilanngussaq innersuussutigineqarpoq, tassani suliniutit oqaatigineqarmata. Suliniutit aalajangersimasut sorliit innersuussutigineqarpat?

2.11 Konto pingaarneq 64.10.27 Inuussutissarsiutit ineriartortinnerinut pilerisaarinernullu suliniutit

Nr. 1.

Oqaasertaliussat ukiunut arlalinnut isumaqatigiissuteqarnissamut piginnaatitsissut ukiuni aningaasanut inatsiseqarfiusuni Inatsisartut allatut tulleriarinissaannut annertuumik killiliisumik pisussaaffinnut killeqartinneqassapput.

Suliassami kisitsisinut takussutissiami, qupperneq 616, aammalu taassuma ataani suussutsinut assingiinningsunut atatillugu ataatsimiititaliaq imaattunik apeqqutissaqarpoq:

- a) Piginnaatitsissut matumani pineqartoq naapertorlugu ukiut kingulliit pingasut ingerlaneranni qassit, qanoq ittunik kikkullu ukiuni arlalinni atuuttussanik isumaqatigiissuteqarfigineqarpat?
- b) Suliniutit pillugit isumaqatigiissutit aalajangersimasut siuliani taaneqartut qanoq sivilutigisumik atuussimappat? Isumaqatigiissutit taakku qanoq annertutigisumik sipaaruteqarfiusimappat?
- c) Ukiut kingulliit pingasut ingerlaneranni sulianut aalajangersimasunut qanoq ittunut atatillugu immikkut ilisimasalinnit ikiortissarsiortoqartariaqarsimava aammalu suliniutinut aalajangersimasunut taakkununga atatillugu immikkut ilisimasallit sorliit ikiortigineqarsimappat?
- d) Suliniutinut ataasiakkaanut aningaasaliissutit ukiunut aningaasanut inatsiseqarfiusunut arlalinnut atuunnerannut suna pissutaagajuppa?
- e) Isumaqatigiissutit ataasiakkaat angusallu pillugit allattorsimaffimmik ataatsimiititaliaq kissaateqarpoq. Tassunga atatillugu missingersuutitut ilanngussami ingerlatat allassimasut konto pingaarneq matumani pineqartoq aqqutigalugu aningaasalersorneqartut inernerisa eqikkarneqarnerannik ataatsimiititaliaq kissaateqarpoq.

2.12 Konto pingaarneq 64.10.30 Puisit amiinik tunisineq

- a) Ukiuni kingullerni pingasuni qanoq amerlatigisut isumaqatigiissuteqarfigineqarpat aammalu isumaqatigiissutit taakku qanoq annertutigisumik sipaaruteqarfiuppat?
- b) Piginnaatitsissut matumani pineqartoq naapertorlugu ukiuni kingullerni pingasuni qanoq ittunik isumaqatigiissuteqartoqarpa?
- c) Missingersuusiordermut malittarisassaq naapertorlugu nassuiaatit oqaasertaliussap kingunerisai pillugit allaatigisamik imaqqassapput. Aammattaaq oqaasertaliussap pisariaqartitsinneqarneranut tunngavilersuummik nassuiaatit imaqqassapput. Paasissutissat taakku ilanngunneqarnissaat ataatsimiititaliamit kissaatigineqarpoq.

2.13 Konto pingaarneq 64.10.31 Takornarianut sullissiviit nunatsinnilu takornariagassat

- a) Piginnaatitsissut matumani pineqartoq naapertorlugu ukiut kingulliit ingerlaneranni qanoq ittunik isumaqatigiissuteqartoqarpa?
- b) Suliniutinut ataasiakkaanut aningaasaliissutit ukiunut aningaasanut inatsiseqarfiusunut arlalinnut atuunnerannut suna pissutaagajuppa?
- c) Isumaqatigiissutit ataasiakkaat angusallu pillugit allattorsimaffimmik ataatsimiititaliaq kissaateqarpoq. Tassunga atatillugu missingersuutitut ilanngussami ingerlatat allassimasut konto pingaarneq matumani pineqartoq aqqutigalugu aningaasalersorneqartut inernerisa eqikkarneqarneranni ataatsimiititaliaq kissaateqarpoq.

2.14 Konto pingarneq 64.10.32 Inuussutissarsiornernik siuarsaanissamut suliniutit

Oqaasertaliussat ukiunut arlalinnut isumaqatigiissuteqarnissamut piginnaatitsissut ukiuni aningaasanut inatsiseqarfiusuni Inatsisartut allatut tulleriarinissaannut annertuumik killiliisumik pisussaaffinnut killeqartinneqassapput.

Suliassami kisitsisinut takussutissiami, qupperneq 622, aammalu taassuma ataani suussutsinut assingiinningsunut atatillugu ataatsimiititaliaq imaattunik apeqqtissaqarpoq:

- a) Piginnaatitsissut matumani pineqartoq naapertorlugu ukiut kingulliit pingasut ingerlaneranni qassit, qanoq ittunik kikkullu ukiuni arlalinni atuuttussanik isumaqatigiissuteqarfigineqarpat?
- b) Suliniutit pillugit isumaqatigiissutit aalajangersimasut siuliani taaneqartut qanoq siviutigisumik atuussimappat? Isumaqatigiissutit taakku qanoq annertutigisumik sipaaruteqarfiusimappat?
- c) Suliniutinut ataasiakkaanut aningaasaliissutit ukiunut aningaasanut inatsiseqarfiusunut arlalinnut atuunnerannut suna pissutaagajuppa?
- d) Isumaqatigiissutit ataasiakkaat angusallu pillugit allattorsimaffimmik ataatsimiititaliaq kissaateqarpoq. Tassunga atatillugu missingersuutinut ilanngussani ingerlatat allasimasut konto pingarneq matumani pineqartoq aqqutigalugu aningaasalersorneqartut inernerisa eqikkarneqarnerannik ataatsimiititaliaq kissaateqarpoq.
- e) Aningaasanut inatsisissatut siunnersuutip aappassaaneerneqannginnerani allannguutissatut siunnersuuteqarnikkut missingersuutinut ilanngussami immikkoortut marluk peeqqullugit Naalackersuisut ataatsimiititaliamit inassuteqarfigineqarput. Immikkoortut taakku marluk inuussutissarsiutinik siuarsaanermut immikkoortitat assigiinningsut akornanni iluannilu agguataarinerup allanngortinneqarsinnaaneranut (takuuk qupp. 621) kiisalu aningaasaliissutit suliassaqarfiit assigiinningsut akornanni iluinnilu agguataarinerup allanngortinneqarsinnaaneranut (qupp. 621-mi qullerpaaq) tunngapput.

2.15 Konto pingarneq 64.10.33 Takornariaqarnermik aamma misigisaqartitsinissamut inuussutissarsiutinik ineriartortitsineq

- a) Piginnaatitsissut matumani pineqartoq naapertorlugu ukiut kingulliit pingasut ingerlaneranni qassit, qanoq ittunik kikkullu ukiuni arlalinni atuuttussanik isumaqatigiissuteqarfigineqarpat?
- b) Suliniutit pillugit isumaqatigiissutit aalajangersimasut siuliani taaneqartut qanoq siviutigisumik atuussimappat? Isumaqatigiissutit taakku qanoq annertutigisumik sipaaruteqarfiusimappat?
- c) Suliniutinut ataasiakkaanut aningaasaliissutit ukiunut aningaasanut inatsiseqarfiusunut arlalinnut atuunnerannut suna pissutaagajuppa?
- d) Nuussinissanut piginnaatitsissutit suugaluartulluunniit Inatsisartunit akuerineqartussaammata ataatsimiititaliamit eqqumaffigeqquneqassaaq. Aningaasaliissutit atugasiiissutigineqarnerat missingersuutinut tunngavissarititaasut naapertorlugit pisimanngippat ataatsimiititaliamit naapertuussorineqanngilaq. Taamaattumillu aningaasaliissutit missingersuutinut tunngavissarititaasunik sanioqqutsisut atugasiiissuteqarfigineqartinnagit Aningaasaqarnermut Ataatsimiititaliamut akuerisassanngorlugit inassutigineqaaqassapput. Aningaasanut inatsisissatut siunnersuutip aappassaaneerneqannginnerani allannguutissatut siunnersuuteqarnermikkut missingersuutinut ilanngussami immikkoortoq kingulleq (qupp. 622) peeqqullugu Naalackersuisut ataatsimiititaliamit inassuteqarfigineqarput.

2.16 Konto pingarneq 64.10.34 Savaaqanik toqoraavinnut il.il. kiffartuussinissamut isumaqatigiissut

- a) Piginnaatitsissut matumani pineqartoq naapertorlugu ukiut kingulliit pingasut ingerlaneranni qassit, qanoq ittunik kikkullu ukiuni arlalinni atuuttussanik isumaqatigiissuteqarfigineqarpat?
- b) Suliniutit pillugit isumaqatigiissutit aalajangersimasut siuliani taaneqartut qanoq siviutigisumik atuussimappat? Isumaqatigiissutit taakku qanoq annertutigisumik sipaaruteqarfiusimappat?
- c) Suliniutinut ataasiakkaanut aningaasaliissutit ukiunut aningaasanut inatsiseqarfiusunut arlalinnut atuunnerannut suna pissutaagajuppa?
- d) Nuussinissanut piginnaatitsissutit suugaluartulluunniit Inatsisartunit akuerineqartussaammata ataatsimiititaliamit eqqumaffigeqquneqassaaq. Aningaasaliissutit atugassiissutigineqarnerat missingersuutinut tunngavissarititaasut naapertorlugit pisimangippat ataatsimiititaliamit naapertuussorineqanngilaq. Taamaattumillu aningaasaliissutit missingersuutinut tunngavissarititaasunik sanioqqutsisut atugassiissuteqartigineqartinnagit Aningaasaqarnermut Ataatsimiititaliamut akuerisassanngorlugit inassutigineqaaqaassapput. Aningaasanut inatsisissatut siunnersuutip aappassaaneerineqannginnerani allannguutissatut siunnersuuteqarnermikkut missingersuutinut ilanngussami immikkoortup kingulliup tullia (qupp. 625) peeqqullugu Naalakkersuisut ataatsimiititaliamit inassuteqarfigineqarput.

2.17 Konto pingaarneq 64.12.07 Nukissiornermi kisitsisitigut paasissutissat aamma mi-ngutsitsisunik aniatitsinermut naatsorsuutit

- a) Piginnaatitsissut matumani pineqartoq naapertorlugu ukiut kingulliit pingasut ingerlaneranni qassit, qanoq ittunik kikkullu ukiuni arlalinni atuuttussanik isumaqatigiissuteqarfigineqarpat?
- b) Suliniutit pillugit isumaqatigiissutit aalajangersimasut siuliani taaneqartut qanoq siviutigisumik atuussimappat? Isumaqatigiissutit taakku qanoq annertutigisumik sipaaruteqarfiusimappat?
- c) Suliniutinut ataasiakkaanut aningaasaliissutit ukiunut aningaasanut inatsiseqarfiusunut arlalinnut atuunnerannut suna pissutaagajuppa?

2.18 Konto pingaarneq 64.16.02 Pisortatigoortumik suliarinninnerit isertitatigut matussikkat

- a) Piginnaatitsissut matumani pineqartoq Naalakkersuisunit qanga kingullermik atornerqarpa aammalu pisuni aalajangersimasuni aningaasat qanoq amerlatigisut pineqarpat?
- b) Nuussinissanut piginnaatitsissutit suugaluartulluunniit Inatsisartunit akuerineqartussaammata ataatsimiititaliamit eqqumaffigeqquneqassaaq. Aningaasaliissutit atugassiissutigineqarnerat missingersuutinut tunngavissarititaasut naapertorlugit pisimangimmat ataatsimiititaliamit naapertuussorineqanngilaq. Taamaattumillu aningaasaliissutit missingersuutinut tunngavissarititaasunik sanioqqutsisut atugassiissutigineqartinnagit Aningaasaqarnermut Ataatsimiititaliamut akuerisassanngorlugit inassutigineqaaqaassapput. Taamaammat missingersuutinut ilanngussami immikkoortoq kingulleq (qupp.635) peeqqullugu ataatsimiititaliap Naalakkersuisunut inassutigaa, taanna malillugu aningaasat sinneruttut kulbrintimut suliaasaqarfimmi nittarsaassinissamat atornerqarnissat Naalakkersuisunit kissaatigineqarluni. Aningaasanut inatsisissatut siunnersuutip aappassaaneerineqarnissaa sioqqullugu Naalakkersuisut allannguutissatut siunnersuutissaat ataatsimiititaliamit qilanaarineqarpoq.

2.19 Konto pingaarneq 64.16.03 Ilisimatusarnerit ineriartortitsinerillu kulbrintimut tungassutillit

Nr. 2.

- a) Ukiuni kingullerni pingasuni kulbrintimik suliassaqarfimmi nittarsaanermut ukiu-
moortumik aningaasat qanoq amerlatigisut atorneqarsimappat? Nittarsaassinermi
ingerlatat sordiaat pineqarpat?
- b) Oqaasertaliussamik pisariaqartitsisoqarneranut tunngavilersuummik isumaqarluar-
tumik oqaasertaliussamut nassuiaat imaqaanngilaq.
- c) Oqaasertaliussanik atuisinnaanerup kingunerisaanik aningaasat ataatsimut isigalugu
amerlangaatsiartut aningaasanut inatsimmik suliarinninnermi suliassaqarfiit akimor-
lugit tulleriaarinnermut ilaatinneqarneq ajortut ataatsimiititaliaq isumaqarpoq.
Taamaammat oqaasertaliussaq nr. 2-p matumani pineqartup peerneqarnissaa siuner-
taralugu aningaasanut inatsisissatut siunnersuutip aappassaaneerneqarnissaanut allan-
nguutissatut siunnersuummik saqqummiusseqqullugit Naalakkersuisut ataatsimiiti-
taliament qinnuigineqarput.

2.20 Konto pingaarneq 64.16.04 Kulbrintinut pilerisaarinissamullu suliniutit

Nr. 1.

- a) Piginnaatitsissut matumani pineqartoq naapertorlugu ukiut kingulliit pingasut ingerla-
neranni qassit, qanoq ittunik kikkullu ukiuni arlalinni atuuttussanik isumaqatigiis-
suteqarfigineqarpat?
- b) Suliniutit pillugit isumaqatigiissutit aalajangersimasut siuliani taaneqartut qanoq sivi-
sutigisumik atuussimappat? Isumaqatigiissutit taakku qanoq annertutigisumik sipaar-
teqarfiusimappat?
- c) Suliniutinut ataasiakkaanut aningaasaliissutit ukiunut aningaasanut inatsiseqarfiusu-
nut arlalinnut atuunnerannut suna pissutaagajuppa?
- d) Ukiut kingulliit pingasut ingerlaneranni sulianut aalajangersimasunut qanoq ittunut
atatillugu immikkut ilisimasalinnit ikiortissarsiortoqartariaqarsimava aammalu
suliniutinut aalajangersimasunut taakkununga atatillugu immikkut ilisimasallit sorliit
ikiortigineqarsimappat?

Nr. 2.

- a) Piginnaatitsissut matumani pineqartoq Naalakkersuisunit qanga kingullermik atorne-
qarpa aammalu pisuni aalajangersimasuni aningaasat qanoq amerlatigisut pineqarpat?
- b) Oqaasertaliussaq nr. 2 atuinerussutinik atuinikinnerussutinilluunniit ukiumut aningaa-
sanut inatsiseqarfiusumut tulliuttumut nuussinermut taamaallaat attuumassuteqarmat
ataatsimiititaliamit erseqqissaatigineqassaaq.
- c) Taamaammat oqaaseqatigiit siulliit oqaasertaliussamut nassuiaatitut Naalakkersui-
sunit atuinneqassasut ataatsimiititaliamit inassutigineqarpoq. Ataatsimiititaliap
isumaa malillugu nassuiaatit ataanni oqaasertat sinneri oqaasertaliussamut naleqqu-
tinnngillat.
- d) Tamatuma saniatigut oqaasertaliussamik pisariaqartitsisoqarneranut
tunngavilersuummik isumaqarluartumik oqaasertaliussamut nassuiaat imaqaanngilaq.
- e) Siuliani allassimasut iluarsiniarlugit aningaasanut inatsisissatut siunnersuutip aappas-
saaneerneqarnissaanut allannguutissatut siunnersuummik Naalakkersuisut saqqum-
miussissasut ataatsimiititaliamit naatsorsuutigineqarpoq.

2.21 Konto pingaarneq 64.16.05 Suliffeqarfik isertitatigut matussusigaq – Kulbrintinut tunngasoaq

Nr. 1.

- a) Piginnaatitsissut matumani pineqartoq naapertorlugu ukiut kingulliit pingasut ingerla-
neranni qassit, qanoq ittunik kikkullu ukiuni arlalinni atuuttussanik isumaqatigiis-
suteqarfigineqarpat?

- b) Suliniutit pillugit isumaqatigiissutit aalajangersimasut siuliani taaneqartut qanoq siviutigisumik atuussimappat? Isumaqatigiissutit taakku qanoq annertutigisumik sipaaruteqarfiusimappat?
- c) Suliniutinut ataasiakkaanut aningaasaliissutit ukiunut aningaasanut inatsiseqarfiusunut arlalinnut atuunnerannut suna pissutaagajuppa?

Erseqqissaatigineqassaaq kontot pingaernerit ataasiakkaat oqaasertaliussartallit sammineqarneranni oqaasertaliussat pillugit allanik apeqquteqartoqassammat.

3. Nassuiaatit nalinginnaasut

3.1 Immikkoortoq 3.1, Kommunit aningaasaqarnerat, qupperneq 159

Ataatsimoortumik tapiissutit pillugit isumaqatigiissut qaqugu piareertussatut Naalakkersuisunit naatsorsuutigineqarpa?

3.2 Imm. 3.2, Ingerlatseqatigiiffinni Namminersorlutik Oqartussanit tamakkiisumik ilaannakortumilluunniit pigineqartuni sisamani annerpaani ineriartorneq, qupperneq 160

- a) Naalakkersuisut ingerlatseqatigiiffinnik piginnittutut periaasiat pillugu paasissutissanik amerlanernik ataatsimiititaliaq ujartuivoq. Tassunga ilanngullugu ingerlatseqatigiiffiit inuiaqatigiinni atuuffiat pillugu erseqqinnerusumik isummertoqarnissaa ujar-torneqarpoq.
- b) Ingerlatseqatigiiffiit akiitsuisa annertusinerisa ingerlatseqatigiiffiit inuiaqatigiit naapertuuttumik ineriartortinneqarnerannut ikorfartuinissamut pisinnaassusiat periarfissaallu qanoq sunniuteqarfigiissavaat?
- c) Ingerlatseqatigiiffinnit iluanaarutitut akiliutit – ingammik iluanaarutininik annertoorujussuarnik tigusisoqartillugu – innuttaasut toqqaannangitsumik annertunerusumik akileraartinneqarnerattut isigineqarsinnaavoq.
- d) Piginnittutut atuuffiup naalakkersuisoqarfinnut susassaqartunut agguataarneqarnissaa Naalakkersuisunit isumaliutigineqarpa? Taama agguataarinissaq Naalakkersuisunit qanoq isumaqarfigneqarpa?
- e) Tamatumunnga taarsiullugu piginnittutut atuuffiup tamarmiusup Aningaasaqarnermut Naalakkersuisoqarfimmuut nuunneqarnissaa Naalakkersuisunit isumalutigineqarsimava?
- f) Akiitsoqarnermi inissisimaffik (taarsigassarsiarititat) innuttaasut akiitsui ilanngullugit Naalakkersuisunit ataatsimut takussutissiarineqarsinnaava?
- g) SIKUKI-p aqutsivigineqarnerata RAL-imut tunniunneqarnissaa Naalakkersuisunit isumaliutigineqarsimava? Tamanna Naalakkersuisunit qanoq isumaqarfigneqarpa?

3.3 Immikkoortoq 3.4, EU-mik Aalisarnermik Isumaqatigiissut, qupperneq 163

- a) Tamakkiisumik atuisoqarsinnaannginneranut suna tunuliaqutaava?
- b) Pisassiissutit nammineq aalisaraluarutsigit susoqassava?

3.4 Immikkoortoq 3.5, EU-mik peqatigiinnissamik isumaqatigiissut, qupperneq 164

Timersornermut (assersuutigalugulu naluttarfimmi atortulersuutinut) kultureqarnikkulluunniit atortulersuutinut aningaasalersuinermut tapiissutinik pissarsinissamut periarfissaqartoq Naalakkersuisut nalilerpaat?

3.5 Immikkoortoq 6, Sillimmatit aamma missingersuutinik iluarsinerit, qupperneq 193

Missingersuutinik ammut iluarsinerit taaneqartut piviusorsior-tutut Naalakkersuisunit isigineqarpat?

3.6 Immikkoortoq 6.1, Aningaasartuuteqarnerunerit, qupperneq 195

Aqquserngit

70.01.07-imi aningaasaliissutit 2020-mi 0,3 mio.-inik aammalu tamatuma kingorna 0,6 mio.-inik ilaneqassapput. Sulisumik ataatsimik ilasineq aqqusinernut pisorta qarfimmik pilersitsinissaq siunertaralugu Naalakkersuisut anguniagaannut takussutissaava?

3.7 Immikkoortoq 6.3, AIS 2020-mut allannguutissatut siunnersuutaasinnaasunik piareersaaneq, qupperneq 199

Isumaginninnermut suliassa qarfimmi suliniutit nukittorsarneqarnissaat

Tasiilaq kisimi eqqaaneqarpoq. Nunammi immikkoortuisa sinneri?

3.9 Immikkoortoq 7, Missingiinerit nutaat aamma akigititanut akissarsianullu aaqiinerit, qupperneq 201

Akinut iluarsiiissutit appartitat kommuninut ataatsimoortumik tapiissutinut atorneqarneranni Naalakkersuisut suut tunngavigaat? Taama appasitsigisumik annertussusilerneqarnerat piviusorsioortuaa imaluunniit aningaasanut inatsisissatut siunnersuummik kusassaanerua?

4. Suliassaqarfik 10 - 12 Naalakkersuisut Siulittaasuut

4.1 Konto pingaarneq 10.10.10 Naalakkersuisut

- a) ”Aningaasartuutit allat”-nut aningaasaliissutit AI19-imi amerlissutaasa attatiinarneqarnerannut suna pissutaava? Allaffissornermi sipaarniarnissamik Naalakkersuisut anguniagaqarnerannut tamanna qanoq naapertuuppa?
- b) Københavnnimi Sinniisoqarfik Naalakkersuisut Siulittaasuata Naalakkersuisoqarfianut sooq inissinneqarpa?

4.2 Konto pingaarneq 10.13.11 Aktiaateqarluni ingerlatseqatigiiffinnut toqqaannartumik aningaasartuutit

Aktiaateqarluni ingerlatseqatigiiffiit Namminersorlutik Oqartussanit pigineqartut aningaasaqarnermut naalakkersuisoqarfimmut pinnatik naalakkersuisut siulittaasuata naalakkersuisoqarfianut sooq inissinneqarpat?

4.3 Konto pingaarneq 10.13.11 Aktiaateqarluni ingerlatseqatigiiffinnut toqqaannartumik aningaasartuutit

Siunissamut ungasinnerusumut aningaasaliissutissanut Aningaasaateqarfimmit agguassinerit Aningaasaqarnermut Akileraartarnermullu Ataatsimiititaliamit akuerineqartassasut ataatsimiititaliamit kissaatigineqarpoq.

5. Suliassaqarfik 20 - 24 Aningaasaqarnermut Naalakkersuisoq

5.1 Konto pingaarneq 20.01.13 Inatsisinut tunngaviusussanut isumalioqatigiissitaq

- a) Isumalioqatigiissitap suliaa sumut killippa? 2020-mi siunissamilu qanorpiaq pilersaaruteqartoqarpa?
- b) Aningaasat ukiut siuliini atorneqanngitsut qanoq amerlatigisut nuunneqarpat? Aningaasanut inatsiseqarfiusumut ullermut nuunneqartarput, aningaasanik atunngitsuuqarpa AIS2020-mi aningaasartuutaasussatut naatsorsuutigineqartunut ilanngullugit naat-sorsorneqartunik?

5.2 Konto pingaarneq 20.05.20 Kommunitut ataatsimoortumik tapiissutit

- a) 2020-mut atatillugu kommunitut ataatsimoortumik tapiissutit AIS 2020-p naammassineqannginnerani isumaqatigiissutigineqarsimannngitsut Naalakkersuisunit paasissutissiissutigineqarpoq. Isumaqatigiissutit atsiorneqarnissaa qaqugu pissasoq Naalakkersuisut naatsorsuutigaat aammalu isumaqatigiissutit atsiorneqarnera kingusis-sorujussuakkut pissasoq Naalakkersuisut isumaqarpat?
- b) Sooq kommunitut ataatsimoortumik tapiissutit akinut akissarsianullu nalimarsarneqarnissaat nassuiaatigineqartutut toqqarneqarsimava?

5.3 Konto pingaarneq 20.10.11 Ilanngaaseereerluni erniat

Nukissiorfiit aamma Mittarfeqarfiit 3 %-imik ernialinnik taarsigassarsisarput. Ingerlatseqatigiiffiit taakku taarsisinneqarneranni qaffasissumik erniaqartitsinikkut ingerlatseqatigiiffiit sullississutaannik atuisut toqqaannanngitsumik akileraarusersorneqartarnerat Naalakkersuisunit naapertuuttutut isigineqarpa?

5.4 Konto pingaarneq 20.10.25 Ineqarnermut taarsigassarsiat akilerneqarneri

Sioqutsilluni akiliisinnaanermut iluseritinneqartoq inissianik nutaanik tunniussinermi sanaartortitsisunut/piginnittunut iluaqutaasussanik attartortunullu eqquisumik iluanaarnarnissamut periarfissiissanngila? (takuuk oqaasertaliussaq). Assersuutigalugu inissianik nutaamik pisortat sinnerlugit sanaartortoqarnerani inatsisilerinermut tunngatillugu piginnittut inuinnaat assigalugit sioqutsilluni akiliisinnaanermut assinganik pisinnaatitaaffeqarpat?

5.5 Konto pingaarneq 20.11.50 Ingerlatsinermut sillimmatit

Kontomi pingaarnermi matumani oqaasertaliussaqqarpoq, tassani taaneqarluni "suliniutinut pilersaarummik akuerisamik". Pilersaarut taamaattoq kia akuerissavaa?

5.6 Konto pingaarneq 20.11.70 Suliniutinut nutaanut sillimmatit

Ilaasunik angallassinermut kiffartuussinissamik isumaqatigiissutit eqqarsaatigalugit utoq-qarnut akikillisaassut ukioq kaajallallugu atuutileraluarpat tamanna qanoq akeqassava?

5.7 Konto pingaarneq 24.11.11 Qamutinut motoorilinnut akitsuutit

Qamutinut motoorilinnut akitsuutit allanngortinneqarnissaanni Naalakkersuisut qanoq pilersaaruteqarpat?

5.8 Konto pingaarneq 24.11.13 Umiarsualivimmiinnermut akileraarutit

- a) Akitsuut tamanna nunatsinni aalisariutinut, tassungalugu ilanngullugu angallatinut miki-nernut umiatsiaaqqanullu aamma atuuppa?
- b) Taamaattoqarsimappat imm. a)-mi taaneqartut akitsuuteqartinneqannginnissaannut qanoq periarfissaqarpa.

5.9 Konto pingaarneq 24.11.15 Eqquiniaasitsinermi akileraarutit

- a) 2017-imi aningaasaliissutit 8.000.000 kr.-iupput, tamatumunngalu naatsorsuutini allasimallutik 4.481.110 kr. Taamaattoqarneranut suna pissutaava?
- b) Ukiuni kingullerni illoqarfinni aningaasanik ikisilluni pinnguaatit amerlassusiat qanoq ineriartorpa?
- c) Isertitat taakku pinnguaatinik atuinissamik pinngitsuusinnaajunnaartut katsorsartittarnerannut atorneqartarpat?

5.10 Konto pingaarneq 24.11.24 Aatsitassanit, sermermit imermiillu akitsuutit

- a) Sermimik/imermik aatsitassanillu atorluaanermi suliniutit suut maanna ingerlanneqarpat?
- b) Sermimit/imermiit aatsitassanillu qaqugu isertitsisoqartalissasoq Naalakkersuisut naatsorsuutigaa?
- c) Sooq isertitassanik missingersuuteqartoqarneq ajorpa, tamatumanilu suna nalornisutaava?
- d) Ilanngaaseereerluni isertitat najoqqutarineqarmata konto matumani pineqartoq atorlugu aningaasartuuteqartoqartarpa?
- e) Sermimut imermullu inatsimmit aammalu aatsitassanut inatsimmit akitsuutinut atatilugu suliassami kisitsisinut naatsorsuutigineqartunut skemanngorlugu takussutissiamik ilanngussisoqassasoq ataatsimiititaliamit kissaatigineqarpoq. Tamatumanis pineqarput ilanngaaseereerluni isertitat naatsorsorneqareerneranni isertitat immaqalu aningaasartuutit.

6. Suliassaqarfik 27 - Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq

6.1 Konto pingaarneq 27.01.01 Nunanut Allanut Naalakkersuisoqarfik

- a) Brexit piviusunngortinneqassappat UK-mi sinniisoqarfeqalernissamut tunngavissaqalissanersoq Naalakkersuisunit isumaliutigineqarsimava?
- b) Aningaasaliissutit ikiliartornerannut suna pissutaava?
- c) Naalakkersuisut Kinami sinniisoqarfeqarfimmik pilersitsilersaarpat? Tamanna Naalakkersuisunit qanoq isumaqarfigineqarpa?
- d) Washingtonimi sinniisoqarfiup attatiinnarneratigut sorpiaat anguneqassappat? Sinniisoqarfik siunissami Naalakkersuisunit qanorpiaq anguniagaqarfiua?
- e) Sinniitoqarfiit sunniutaat Naalakkersuisunit uuttortarneqarsimappat? Siunissami uuttortarneqartarnissaat pilersaarutaava?
- f) Eqqumiitsulianik katersugaasivinnut EU-mit tapiissutinik pissarsinissamut periarfissat Naalakkersuisunit misissorneqarsimappat?
- g) Sinniisoqarfiit assigiinngitsut suliassaat nunatsinni takornariartitsinermik ineriartortitsinermut tunngasunik ilaneqarsinnaappat?
- h) Aningaasat immikkoortinneqartut ilaneqarnissaannik kissaateqartoqarnera Naalakkersuisut qanoq isumaqarfigaat?
- i) Aningaasaliissutit politikimut ingerlanneqartumut qanoq attuumassuteqarpat?
- j) ICC-p suliai Issittullu soqutigineqaleraluttuinnarnera eqqarsaatigalugit ICC-mut aningaasaliissutit amerlineqarsinnaanerannut periarfissat qanoq isikkoqarpat?
- k) Iqalunnut timmisartumik ingerlaarfimmik pilersitsinissamut periarfissaq Naalakkersuisunit qanoq isumaqarfigineqarpa?
- l) Thule Airbase sumut killippa aammalu kalaallit ingerlatanut siunissami peqataalersinnaassappat?

7. Suliassaqarfik 30 - Peqqissutsimut, Isumaginninnermut Inatsisinillu Atuutsitsinnermut Naalakkersuisoq

7.1 Suliassaqarfik 30

- a) Meeqqanut suliassaqarfik kingullertigut annertuumik sammineqarpoq. Innuttaasuni ataatsimoortut allat aamma taamatut sammineqartariaqartut kikkuuppat?
- b) Ilanngaassivik inuuniarnikkut qanoq kinguneqartussatut naatsorsuutigineqarpa?
- c) Ilanngaassivik suliffeqarfiit namminersortut eqqarsaatigalugit aamma atorneqarsinnaava?

7.2 Konto pingaarneq 30.01.03 Isumaginninneq pillugu pikkorissartitseqqinnerit ilinniar-titseqqinnerillu

- a) Ilaqutariinnut politikimik ataatsimoortumik 2019-imi saqqummiussinissaq sulisutigineqartoq AIS 2019-ip oqaluuserineqarnerani Naalakkersuisut paasisutissiisutigaat, tamatumani ilaqutariinnut paarsisartunut suliassaqarfik aamma ilaatinneqasalluni. Suliaq tamanna Naalakkersuisut sumut killippaat?
- b) Pikkorissartitsinnerut ilinniaqqinnernullu aningaasat sapinngisamik pitsaanerpaamik atorluarneqarnissaat eqqarsaatigalugu sulisut nikeraannerat qanoq annertutigaa?

7.3 Konto pingaarneq 30.01.04 Namminersorlutik Oqartussat illuutaannik aserfallatsaaliuineq, Ilaqutareeqarneq

Illutat silataatungaasa illutallu iluisa annikinnerusumik aserfallatsaalineqarnissaat salliutilugu aningaasanik immikkoortitsisoqartoq AIS2019-imut atatillugu Naalakkersuisut akis-sutaanni allassimavoq. Illutat (iluutunga) Naalakkersuisunit qanoq pitsanngorsarniarneqarpat, pingaartumik innarluutilinnut suliassaqarfimmi aammalu ulloq unnuarlu paaqqinniffinnut suliassaqarfimmi inatsit nutaaq nalunaarullu eqqarsaatigalugit?

7.4 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

Nalunaarutip nutaap qanoq sunniuteqarnissaa Naalakkersuisut naatsorsuutigaat. Tamanna AIS-imi allassimarpasinngilaq?

7.5 Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

Meeqqanut/inuusuttunut kingunerlutsitsisunut atatillugu suliassami kisitsisit nutaat kissaatigineqarput. Suliniarneq pisariaqartitat malillugit annertusarneqarpa?

7.6 Konto pingaarneq 30.11.10 Ineqarnermut tapiissutit

- a) Innaallagissamut, imermut kiassarnermullu aningaasartuutit ilanngunneqarnissaat Naalakkersuisunit qanoq isumaqarfigineqarpa?
- b) Tapiissutit ikilisinnissaannut killiliussat iluarsineqarnissaat aallartinneqareerpa?
- c) Aningaasaliissutit ikilinerannut suna pissutaava?

7.7 Konto pingaarneq 30.12.08 Utoqqalinermi pensionisiat

- a) Qanoq ukioqqortutigilersinnaanerup qaffakkiartornissaatut naatsorsuutigineqartup ineriartornera utoqqalinersiaqalernissamut ukioritinneqartut qaffanneqarnissaannik isumaliutiginninnermi ilaatinneqarpa? Angutit arnallu qanoq ukioqqortutigilersinnaasutut naatsorsuutigineqarpat?

- b) Utoqqalinermi pensionisiallit nunatsinnit nuuttarnerannut pissutaasut misissorneqarsimappat imaluunniit misissorniarneqalersaarpat aammalu nuuttarnerat qanoq pinngitsoortinneqarsinnaava?

7.8 Konto pingaarneq 30.12.09 Siusinaartumik pensionisiat

- a) Komminini sulianik ingerlatsineq nalilersorneqassasoq AI2019-imut isumaliutissiisummut atatillugu Naalakkersuisut akissutaanni allassimavoq. Nalilersuisoqareerpa, taamaassimappallu aalajangersimasumik iliuuseqarnissamut tunngavissiiva?
- b) Aammattaaq inuit 900-t sinnerlugit nalilersoqqinnissaat amigaataasoq allassimavoq. Tamanna sumut killippa?

7.9 Konto pingaarneq 30.14.29 Isumaginninnermi suliniutit

- a) Nunatsinni illoqarfiit annersaasa tulliaata Sisimiut qimarngueqanngitsutut inissisimamera allannguuteqarpa?
- b) Nunatsinni nunap immikkoortuini tamani qimarnguinnik pilersitsisoqarnissaa qanoq qulakkeerneqarsinnaava?

7.10 Konto pingaarneq 30.14.31 Meeqqat pisinnaatitaaffii pillugit suliffik aamma Konto pingaarneq 30.30.04 Innarluutillit Illersuisuat

- a) Suliffeqarfiit taakku marluk allaffissornikkut qanoq aningaasartuuteqarpat?
- b) Taakku ataatsimut allatseqarfissaannik/allaffeqarfissaannik pilersitsinissaq Naalakkersuisunit isumaliutigineqarsimava?

8. Suliassaqarfik 34 Peqqissutsimut, Isumaginninnermut Inatsisinillu Atuutsitsinnermut Naalakkersuisoq

8.1 Suliassaqarfik 34

Ataatsimut isigalugu suliassaqarfinni tamani piviusorsioortumik missingersuusiortoqarnissaa ataatsimiititaliamit kissaatigineqarpoq. Missingersuusiorneq naalakkersuinikkut-aningasaqarnikkut pingaarnersiuiinnermut Inatsisartunit kissaatigineqartunut takussutissaavoq, minnerunngitsumik inuiaqatigiit siumoortumik nassuiaatitalimmik ineriartornissaat eqqarsaatigalugu. Suliassaqarfii ilaasa iluini ukiup aningaasanut inatsiseqarfiusup ingerlanerani anner-tunerusumik pingaarnersiueqqinnissamut immikkut pisariaqartitsisoqalersinnaammat ataatsimiititaliamit paasineqarsinnaavoq – peqqissutsimullu suliassaqarfik suliassaqarfiuvoq taamaattoq. Taamaakkaluortoq ataatsimiititaliaq isumaqarpoq aningaasanut inatsisip aalajangersarneqarneranut atatillugu missingersuusiorneq aningaasanik atugassiissutigineqartussat naatsorsuutigineqavissunik ersersitsisuusariaqartoq, aningaasaliissutimmi ilarpassui ukiumit ukiumut nussorneqartuassappata naammaginangilaq. Aningaasat atugassiissutigineqartussat naatsorsuutigineqartut AIS-imi saqqummiunneqartumi sapinngisamik annertunerpaamik ersersinneqartarnissaat Naalakkersuisunit anguniarneqartariaqarpoq, taamaalilluni piviusorsioortumik aallaavik tamanna naalakkersuinikkut piviusumik pingaarnersiuiinnermi tunngavigineqarsinnaaqqullugu.

- a) Tassunga atatillugu ukiuni kingullerni pingaarnersiueqperiaaseq AIS2020-p suliarneqarnerani qanoq atorneqarsimanersoq nassuiaatigeqqullugu Naalakkersuisut ataatsimiititaliamit qinnuigineqarput. Aammattaaq immikkoortunut pilersaarutit nassuiaatigeqqullugit Naalakkersuisut ataatsimiititaliamit qinnuigineqarput.
- b) Peqqissutsimut suliassaqarfimmi pingaarnersiuiinnerit Naalakkersuisunit nassuiaatigineqarsinnaappat – katsorsaanerit/nappaatit sorliit salliutinneqarpat?
- c) Sulisoqarniarneq najukkanut agguataarlugu Naalakkersuisunit nassuiaatigeqquneqarpoq.
- d) Ukiuni kingullerni naartuersinnerit qanoq amerlatigisimanersut kiisalu ukiuni taakuani inunngortut qanoq amerlatigisimanersut Naalakkersuisunit paasissutissiissutigineqarsinnaava? Naartuersinnernut aningaasartuutit qanoq amerlatigisimappat?
- e) Nappaatit atoqatigiinnikkut tuniluuttartut atugaanerit, tassungalu ilanngullugu tamatumani aningaasartuutit Naalakkersuisunit nassuiaatigineqarsinnaappat?
- f) Ukiuni kingullerni pingasuni kontot pingaarneriit akornanni aningaasaliissutinik nuusisinnaanermut piginnaatitsissut Naalakkersuisut qasseriartutit atorsimavaat, tak. Siunertamut kontonut oqaasertaliussat 34.11 Immikkut ittumik katsorsaaneq, 34.12 Peqqissaaveqarfiit ataatsimullu aningaasartuutit, 34.13 Peqqissaaveqarfiit, kigutigissaasunit sullinneqarneq?
- g) ”Inooriaatsimik pissuteqartumik nappaatit” suunerat nassuiaatissartaqarpa? Taamaasimappat nappaatinut/anniaatinut allanut sanilliullugu inooriaatsimik pissuteqartumik nappaatinik taamaattunik katsorsaanermut aningaasartuutit pillugit Naalakkersuisut paasissutissiisnaappat?
- h) Pitsaaliuineq naammaginartumik salliutinneqartoq Naalakkersuisut isumaqarpat?
- i) Kigutitut narlorsaatitut kigutit nakorsaannik amigaateqarnermut atatillugu kigutit nakorsaant namminersortut atorneqarsinnaanerit Naalakkersuisunit periarfissiissutigineqarsinnaava?
- j) Angallassinnermut napparsimasunullu unnuisarfimmut il.il. sipaarutaasussat aammalu tamatuma nassatarisaanik akileraartussaataitanerup annertusissutissaatut naatsorsuutigineqartut ilanngullugit naatsorsorneqarpat napparsimasut ullumikkut Righospitalimi katsorsarneqartartut katsorsarneqartarnerata "nunatsinnit tiguneqarnera" qanoq akeqassanersoq Naalakkersuisunit ilisimaneqarpa?

- k) Peqqinnissaqarfimmi sulisunik tuluttut oqaasilinnik atuisinnaanissaq periarfissarsiorniarlugu suliniutit sumut killippat?

8.2 Konto pingaarneq 34.01.02 Napparsimasunut taarsiissutit

- a) Peqqissutsimut suliaasaqarfimmi naammagittaalliorfissap aqutsivigineqarnerata misissorneqarnissaa pisariaqartinneqarpa?
- b) Taarsiissuteqartarnermi piumasaqaatit suut atorineqarpat?
- c) Napparsimasut ilitserorneqarnissamut qanoq periarfissaqarpat?
- d) Aningaasaliissutit amerleriarnernut suna pissutaava?
- e) Naammagittaalliutitut taarsiissutinullu atatillugu ajornartorsiutit misissorneqassasut AIS2019-imut isumaliutissiisummut atatillugu Naalakkersuisut akissutaanni allasimavoq. Tamanna sumut killippa?

8.3 Konto pingaarneq 34.10.01 Peqqissutsimut Pitsaaliuinerimullu Aqutsisoqarfik Elektroniskiusumik pigaartunik pilersaarusiornernup atuutsilerniarneqarnera sumut killippa?

8.4 Konto pingaarneq 34.11.02 Napparsimasut nunani allani katsorsarneqartarnerat, timikkut nappaatit

Konto pingaarnermi taaneqartumi atornerluinermut Danmarkimi katsorsartinnerit akilernerqarsinnaanngimmata tarnimikkut napparsimasut eqqartuunneqarsimasut ajornartorsiutaasut AIS2019-imut isumaliutissiisummut atatillugu Naalakkersuisut akissutaanni allasimavoq. Aningaasat napparsimasumut malinnaatinneqarnissaat isumaliutigineqarsimava, taamaalilluni napparsimasup nunatsinniilluni atornerluinermut katsorsartinneranut aningaasat atorineqartussaagaluit pineqartoq Danmarkimi katsorsartikkaluartoq sulit atorineqarsinnaassallutik?

Tarnimikkut napparsimasut eqqartuunneqarsimasut katsorsartinnissamik eqqartuunneqaraangata peqqinnissaqarfik aningaasartuuteqarnerusarpoq, tassa atornerluinermut katsorsartinneq nalinginnaasoq aqqutiginaq R3-mi angerlarsimaffimmiluunniit inissinneqarfimminni katsorsarneqartarmata aningaasat napparsimasumut malinnaatinneqarnissaat isumaliutigineqarpoq, taamaalilluni aningaasat nalinginnaasumik periaatsimi atornerluinermik katsorsartinnermut atorineqartussaagaluit tarnimigut nappaatilik katsorsartinnissamik eqqartuunneqarsimasoq malissallugu, taamaalilluni tamanna peqqinnissaqarfimmut aningaasartuutaa neroqqunagu.

8.5 Konto pingaarneq 34.11.03 Dronning Ingridip Napparsimavissua

Meeqqanut tarnimikkut nappaatilinnut tunngasumik angusat qanoq innersut ataatsimiititaliap AIS2019-imut apeqquteqarneranut atatillugu ataatsimiititaliamit apeqqutigineqarpoq?

Naalakkersuisut ilaatigut ima akissuteqarput:

”Unitsinneqarani katsorsartinnerit amerlanerusut aqqutigalugit meeqqanut neqeroorutit annertusineqarnissaat pillugit eqqarsaasersortoqarpoq, tamannali peqqinnissaqarfimmi suliniummik pisariaqartitsinnarani, kisianni aamma isumaginninnermi suliaasaqarfimmi suliniuteqarnissamik pisariaqartitsilluni, assersuutigalugu qulaajaasoqassatillugu ingerlaqqinnissaq qulakkeerniarlugu periarfissaasussat.”

- a) MANU-mik suliniummi suliniutissat ingerlatassallu suut naatsorsuutigineqarnerisut AIS2019-imut ataatsimiititaliap apeqquteqarneranut atatillugu ataatsimiititaliamit apeqqutigineqarpoq. Suliaq tamanna sumut killippa?
- b) Pikkorissartitsineq taaneqartoq atuartitsisunit qanoq amerlatigisunit maannamut ingerlanneqarsimanersoq paasissutissiisutigineqassasoq ataatsimiititaliamit kissaatigineqarpoq.

8.6 Konto pingaarneq 34.11.04 Kalaallit peqqissartut angerlarsimaffiat

- a) Peqqissartut angerlarsimaffiannut kalaallit nerisassaataannik pilersuinissamik Lilleholm siusinnerusukkut isumaqatigiissuteqarfigineqarpoq. Lilleholmip maanna atorunaarnerata kingorna maanna qanoq iliortoqarpa?
- b) Aningaasaqarnikkut maanna atorsinnaasat kalaaliminernik pisiortornissamut naam-mattutut isigineqarpat?

8.7 Konto pingaarneq 34.12.02 Nunatsinni Peqqinnissakkut Ilinniartitaanikkullu suliniutit Sulisussarsiortarnermut sulisorinniinnarniartarnermullu periuseq 2019-ip aallartinnerani pia-reertussatut naatsorsuutigineqartoq AI2019-imut isumaliutissiisummut atatillugu Naalakkersuisut akissutaanni allassimavoq. Taassuma ataatsimiititaliamut nassiunneqarnissaa ataatsimiititaliamit qinnutigineqarpoq.

8.8 Konto pingaarneq 34.12.05 Nuna tamakkerlugu nakorsaaserisoqarfik
Maanna elektroniskiusumik aqutseriaaseq nakorsaaserisoqarfimmit atorneqartoq atuisunut akiliuteqartitsinissamut atorneqarsinnaava?

8.9 Konto pingaarneq 34.13.01 Peqqinnissaqarfiit, Kigutigissaaneq
Flour atorlugu errortuisarnerup atuarfimmi atuutsinneqalernissaa sulissutiginiarneqartoq AI2019-imut isumaliutissiisummut atatillugu Naalakkersuisut akissutaanni allassimavoq – tamanna sumut killippa?

8.10 Konto pingaarneq 34.14.01 Nunatsinni Nakorsaaneqarfik
Naammagittaalliutinut atatillugu ajornartorsiutit misissorlugit suliaq aallartinneqartoq AI-2019-imut isumaliutissiisummut atatillugu Naalakkersuisut akissutaanni allassimavoq. Suliniut sumut killippa – aammalu ilisimasat katersorneqartut qanoq atorneqarpat?

9. Suliassaqarfik 40 Ilinniartitaanermut, Kultureqarnermut, Ilageeqarnermut Nunanut Allanullu Naalakkersuisoq

9.1 Suliassaqarfik 40

- a) Tunumi ilinniarfinnik pilersitsiniarnermi Naalakkersuisut qanoq pilersaaruteqarpat?
- b) Saviminilerinermik Ilinniarfiup Sisimiunut nuunneqarnissaanik isumaliutiginninnerit sumut killippat?

9.2 Konto pingaarneq 40.01.08 Ilinniartitaanermut tunngasuni immikkoortumut pilersaarut kiisalu ilinniartitaanerup immikkut ittumik suliniuteqarfigineqarnera

Ilinniartitaanermut tunngasut ingerlaavartumik ineriartortinnissaat konto pingaarnikkut qulakkeerneqartoq missingersuutinut ilanngussami allassimavoq.

- a) Qitiusumilli ilinniarfiit Nuummi ilinniarfinnut pilersaarummik apeqqutilliipput, paasisutissiisutigineqartulli malillugit taanna piareerneqanngilaq, taamaatumillu ilinniarfiit ineriartornissaminnut periarfissaqarnatik. Naalakkersuisut tamatumunnga qanoq oqaaseqaatissaqarpat?
- b) ”Naalagaaffeqatigiinnermut ilisimasat”-nut aningaasanik atuisoqarneranut suna tunngavilersuutaava? Tamatuma sorpiaat imarai?

9.3 Konto pingaarneq 40.02.01 Ilinniartut Ineqarfiisa Allaffeqarfiat aamma 40.90.15 Ilinniartut inissaanik attartorneq

- a) Ilinniartut ineqarfiinik pisariaqartitsineq Naalakkersuisut malinnaaffigaat? Allilerinissamik maanna pilersaarutit pisariaqartitatut naatsorsuutigineqartunut ilumut matussusiissappat?
- b) Init amerlassusiisa isertitatullu allassimasut qanoq imminnut ataqatigiippat?
- c) Namminersortut ilinniartunut ineqarfiliortinneqarnissaat Naalakkersuisunit isumaliutigineqarsimava?

9.4 Konto pingaarneq 40.10.11 Ado Lyngep Atuarfia

- a) Ado Lyngep Atuarfiata suliassaqarfik 30-mut nuunneqarnissaa Naalakkersuisunit isumaliutigineqarsimava? Tamanna Naalakkersuisunit qanoq isumaqarfigineqarpat?
- b) Suliassaqarfik 30-mut (30.10.37) nuussinikkut ilinniaqqinnissamut il.il. periarfissat pitsanngoriaateqassapput. Naalakkersuisut tamatumunnga qanoq oqaaseqaatissaqarpat?
- c) Atuarfimmut angallammik paaqqinniffinnut allanut avitseqatigiissutigineqartussamik pisinissaq Naalakkersuisunit pilersaarutigineqarpat?
- d) Atuarfiup sullitai eqqarsaatigalugit atuarfiup initai ullutsinnut naleqquttutut Naalakkersuisunit isigineqarpat?

9.5 Konto pingaarneq 40.10.15 Atuarfimmi nerisaqartitsineq

- a) Atuarfiit sorliit atuarfimmi nerisaqartitsinermik atuinersut/atuisuusimanersut paasisutissiisutigeqqullugu Naalakkersuisut qinnuigineqarput. Aaqqissuussinerup maanna ilusia atuarfinit (kommunit) qanoq isumaqarfigineqarpat?

9.6 Konto pingaarneq 40.90.08 Ilinniartitaanerni PAT-i

- a) Attammik atuisut periutsimik naammagisimaarinninersut Naalakkersuisut ilisimavaat?
- b) Attat ullutsinnut naleqquttuaa – Aaqqiissutissanik akikinnerusunik pitsaanernillu peqarnerasoq Naalakkersuisut ilisimavaat?

9.7 Konto pingaarneq 40.91.14 Kalaallit Nunaani Imarsionermik Ilinniarfik

- a) Angallatinik/umiatsiaararsorluni aalisartutut aquttunngorniarluni ilinniartitaanernik neqerooruteqarpa?
- b) Angallatit inuttaasa 90/10-mik aggutaarneqarnissaannik anguniakkat piviusunngortinnissaannut ingerlatat naammappat?
- c) Naalakkersuisut isumaat malillugu ingerlatat annertussusiat aalisarnerup umiartorne-
rullu inuiaqatigiinnut pingaaruteqassusiannik ersersitsippat?
- d) Immikkoortumut pilersaaruteqannginneq ilinniarfiup ininik aturtitsivissaaleqineranut
qanoq sunniuteqarpa?
- e) Aalisarnermik/umiartornermik inuussutissarsiuteqartut ilinniartitaanerit ineriartortin-
neqarnissaannut qanoq tapeeqataasinnaatigippat?
- f) Ilinniaqqinnissamik pisariaqartitsineq ilinniarfiup suliassa qarfiata iluani naammassi-
neqarsinnaava, aammalu 50-60-inik ukiullit piginnaasaminnik atuinissamut kiisalu
ilinniaqqinnerni peqataasinnaanermut periarfissaat qanoq ippat?

9.8 Konto pingaarneq 40.91.20 Perorsaanermik Ilinniarfik

- a) 2020-mit siunissamilu perorsaat 18-iinnaat ilinniarnissaannik naatsorsuutiginnin-
nermi suna tunngavigineqarpa?
- b) Konto pingaarnerup matuma ataatsimut isigalugu nukittorsarneqarnissaa Ani-ngaasa-
qarnermut Akileraartarnermullu Ataatsimiititaliamit kissaatigineqarpoq, minnerunn-
gitsumik pisariaqartitsisoqarneranik kingullertigut paasisat eqqarsaatigalugit. Taman-
na Naalakkersuisunit qanoq isumaqarfigineqarpa?

9.9 Konto pingaarneq 40.94.14 Nuna tamakkerlugu meeqqat inuusuttullu suliniaqatigiif- finut tapiissutit

- a) Avalammut tapiissutit affaannanngortinneqarnerannut suna tunngavilersuutaava?
- b) Suliniaqatigiiffinni assigiinngitsuni ingerlatat Naalakkersuisunit malinnaaffigi-
neqarpat?
- c) Sorlammi Avalammilu suliat pitsaasumik sunniuteqarnerat Naalakkersuisunit malin-
naaffigineqarpa imaluunniit qanoq isumaqarfigaat, minnerunngitsumik tapiissutit an-
nertussusiisa assigiinngissuteqarnerat eqqarsaatigalugu?

9.10 Konto pingaarneq 40.94.17 Kalaallit Nunaata Radiua - KNR

- a) Sooq DR taamaallaat Nuummi takuneqarsinnaallunilu/tusarnaarneqarsinnaava?
- b) Aallakaatitseqqittarnerit suliassami kisitsisini ilaatinneqarpat?
- c) Anguniagassat innuttaasunillu kifpartuussinissamik pisussaaffiit pillugit isumaqa-
tigiissummik suliqarneq sumut killippa?
- d) KNR-ip aallakaatitassiai inuinnarnit pisiarineqarsinnaasuunngortinnissaat Naalak-
kersuisut pilersaarutigaat?
- e) Raadiukkut tv-kkullu nammineq aallakaatitassiat qanoq annertutigisumik aallakaa-
teqqinneqartarpat?
- f) KNR-ip aallakaatitassiai sineriammeersut amerlisarniarlugit Naalakkersuisut qanoq
iliuuseqarpat?

9.11 Konto pingaarneq 40.94.18 Katuaq

- a) Sisimiuni Ilulissanilu kulturikkut illut tapiiffigineqartannginnerannut suna pissutaava
taakkulu qanoq iliornikkut tapiiffigineqartalersinnaappat?
- b) Konto pingaarnermi matumani aningaasaliissutit ilamininngui nunatsinni kulturikkut
illut sinnerinut atorineqarnissaat Naalakkersuisunit qanoq isumaqarfigineqarpa. Ta-
piissutinik agguaanermi illoqarfiit innuttaqaqqortussusiat aallaavigineqarsinnaavoq?

9.12 Konto pingaarneq 40.95.01 Eqqumiitsuliornermut kulturimullu tapiissutit allat

- a) Eqqumiitsuliortunut timersornermik aaqqissuussanut angalanermut aningaasartuutitut tapiissuteqartoqarsinnaasoq allassimavoq.
- b) Timersornermik aaqqissuussinernut atatillugu kalaallit eqqumiitsuliortut aliikkuser-suiartortut tapiiffigineqarsinnaanerat pineqarmat erseqqissarneqartariaqartoq ataatsimiititaliaq isumaqarpoq. Naalakkersuisut tamanna qanoq isumaqarfigaat?

9.13 Konto pingaarneq 40.95.05 Nunatta Isiginnaartitsisarfia

- a) Isiginnaartitsisutut ilinniartut qassit naammassisimappat/maanna qassit ilinniartuuppat?
- b) Ukiumi ilinnialersut, ilinniarnerminnik ingerlatsereersut kiisalu ilinniarnerminnik naammassinnissimasut amerlassusiat suliassami kisitsisini ukiumoortumik ilanngunneqartassasut ataatsimiititaliamit kissaatigineqarpoq.
- c) Ilinnialernissamut tiguneqartartut ilinniarnerminnillu taamaatitsiinnartartut eqqarsaatigalugit suut ajornartorsiutigineqartarpat?

9.14 Konto pingaarneq 40.97.03 Kalaallit Nunaanni ilagii

Ilagiit sinniisaasa sulinerisa nukittorsarnissaannut Naalakkersuisut qanoq periarfisaqarsoraat?

9.15 Konto pingaarneq 40.98.01 Digitaliseeriinermut Aqutsisoqarfik

Avataanit suleqatinik isumaqatigiissuteqartoqarsinnaasoq oqaasertaliusseq nr. 1-imut nasuiaammi allassimavoq. Isumaqatigiissutit taamaattut suut isumaqatigiissutigineqarsimappat aammalu taamaaliornikkut qanoq annertutigisumik sipaaruteqartoqarpa?

10. Suliassaqarfik 50 – 51 - Aalisarnermut, Piniarnermut Nunalerinermullu Naalakkersuisoq

10.1 Suliassaqarfik 50 - 51 Aalisarnermut Piniarnermut Nunalerinermullu Naalakkersuisoq
Aalisarnerup saniatigut inuussutissarsiutinik arlalinnik ineriartortitsiniarluni ilu-ngersuuteqartoqarnera ataatsimiititaliamik paasilluarneqarsinnaavoq. Ataatsimiititaliarli isumaqarpoq aalisarnerup suli inuussutissarsiutini pingaarnersaanera tulleriaarilluni pingaarnersiuiinermi aamma ersersinneqartariaqartoq – taamaattumillu aamma taassuma ineriartortinneqarnissanut aningaasanik pitsaasumik atugassaqartitsinissaq qulakkeerneqartariaqartoq. Naalakkersuisut tamanna qanoq isumaqarfigaat?

10.2 Konto pingarneq 50.01.17 Aalisarneq pillugu EU-mik isumaqatigiissut
Isumaqatigiissut naapertorlugi EU-p aalisarsinnaanermut piginnaatitaaffianik nammineq atuinerput aningaasatigut qanoq pitsaaquteqartiginersoq Naalakkersuisunit naatsorsorneqarsimava?

10.3 Konto pingarneq 50.01.20 Aalisarneq piniarnerlu
Suliniutit konto pingarnerup matuma ataani ukiuni kingullerni tallimani ingerlanneqarsimasut pillugit paasissutissat ataatsimiititaliamit kissaatigineqarput.

10.4 Konto pingarneq 50.06.25 Aalisarneq pillugu Isumalioqatigiissitaq

- a) Umiatsiaararsorlutik aalisartut aallartitaannik isumalioqatigiissitami peqataatitsinissaq Naalakkersuisunit qanoq isumaqarfigineqarpa?

Nalinginnaasumik nassuiaatini (qupp. 170 KAL) allassimavoq isumalioqatigiissitap suliasarigaa

”... naleqquttumik pissarsiarineqarsinnaasunik killiliineq kiisalu aalisariaatsini ataasiakkaani aalisarsinnaassutsimik killiliinikkut pissarsiarineqarsinnaasunik killiliineq...”

- b) Tamanna itisileqqullugu Naalakkersuisut qinnuigineqarput. Aalisariutinik naleqqusaaneq tamatumani pineqarpa?
- c) Isummat piginnaasallu sapinngisamik amerlanerpaat akuutinneqarsinnaaqqullugit peqataasut sapinngisamik assigiinngitsuneertuunissaasa qulakkeerneqarnissaanik Aningaasaqarnermut Akileraartarnermullu Ataatsimiititaliap isumaqarnera Naalakkersuisut isumaqatigaat?
- d) 2 mio. kr.-it immikkoortinneqarsimanerat eqqarsaatigalugu isumalioqatigiissitaq 2020 tamaat sulissava?

10.5 Konto pingarneq 50.06.50 Aalisarnermut aningaasaliissutinut immikkoortitat

- a) Sinerissamut qanittumi aalisariutit ineriartortinniarlugit Naalakkersuisut iliuseqalersaarpat. Aalisariutit suliffissaqartitsinermut aningaasaqarnermullu pingaaruteqassusiat eqqarsaatigalugu aningaasaliissutit allassimasut naammattutut isigineqarpat?
- b) Konto pingarnermi matumani aningaasaliissutit amerlisinneqarnissaannut Greenland Businessimit aningaasanik atuinissaq Naalakkersuisunit qanoq isumaqarfigineqarpa?
- c) Isaterinermut tapiissutit immikkut kontulerneqarnissaat Naalakkersuisunit isumalutigineqarsimava?
- d) Angallat sumiiffimmi (tunitsiveqarnikkut) unammillerfiusumi imaluunniit unammillerfiunngitsumi aalisartuq pineqarnersoq tapiissutinik tunniussinermi ilanngullugu isigineqartariaqartoq Naalakkersuisut isumaqarpat? “Sumiiffinni unammillerfiunngitsuni aalisartut tapiissutinik pissarsisinnaanerisa pisariinnerulersinneqarnissaa Naalakkersuisunit qanoq isumaqarfigineqarpa?”

- e) Aalisarnermut aningaaserivimmik pilersitsinissaq Naalakkersuisunit qanoq isumaqarfigineqarpa?

10.6 Konto pingaarneq 51.01.04 Aallarteqqinnissamut tapiissuteqartarneq

Aningaasat tunniuttakkat amerlassusiat taaneqartoq inuussutissarsiutinut ilaatinneqartunut atatillugu atortut akiisa ineriartornerannut naapertuuttut Naalakkersuisunit isigineqarpa?

10.7 Konto pingaarneq 51.01.05 Kalaallit Nunaanni Aalisarsinnaanermut Akuersissutininik Nakkutilliisoqarfik aamma Piniarnermik Nakkutilliisoqarneq

- a) Piniarnermik nakkutilliisut qassiuppat aammalu nunatsinni qanoq agguataagaappat?
b) Amerlassusiat agguataagaanerallu naammaginarpat imaluunniit suliniutip annertusarneqarnissaanik Naalakkersuisut pilersaaruteqarpat?

10.8 Konto pingaarneq 51.02.02 Aalisarsinnaatitaassutininik tunisineq

3.3-p ataani allassimasut takukkit

10.9 Konto pingaarneq 51.03.03 Ineriartortitsinermit aningaasatigut tapersiissutit

Imminut pilersornerulernissamik ilungersuuteqarneq nukittorsarneqarsinnaaqullugu konto pingaarnermi matumani aningaasaliissutit amerlineqarsinnaanerit Naalakkersuisunit qanoq isumaqarfigineqarpa?

11. Suliassaqarfik 62-64 - Inuussutissarsiornermut, Nukissiuuteqarnermut Ilisimatusermullu Naalakkersuisoq

11.1 Suliassaqarfik 62-64, Inuussutissarsiornermut Nukissiuuteqarnermullu Naalakkersuisoq

- a) Konto pingaarnermi suliassaqarfimmi inuussutissarsiutinik siuarsaanermut suliniutit sunniutaat uuttortarneqarsimappat?
- b) Ukiut ingerlaneranni suliffeqarfiit suliffiillu qassit pilersinneqarsimanersut ilisima-neqarpa?

11.2 Konto pingarneq 64.01.01 Inuussutissarsiornermut, Nukissiuuteqarnermut Ilisimatusermullu Naalakkersuisoqarfik

Nuussinissanut piginnaatitsissutit suugaluartulluunniit Inatsisartunit akuerineqartussaammata ataatsimiititaliamit eqqumaffigeqquneqassaaq. Aningaasaliissutit atugassiissutigineqarnerat missingersuutitut tunngavissarititaasut naapertorlugit pisimangimmat ataatsimiititaliamit naapertuussorineqanngilaq. Taamaattumillu ani-ngaasaliissutit missingersuutitut tunngavissarititaasunik sanioqqutsisut atugassiissutigineqartinnagit Aningaasaqarnermut Ataatsimiititaliamut akuerisassanngorlugit inassutigineqaaqassapput. Immikkoortut kingulliit sisamaani kulbrintimut susassaqarfimmi siunnersuinernut tunngatillugu ukiunut arlalinnut atuuttusanik isumaqatigiissusiornissamut Naalakkersuisut imminnut piginnaatippat. Aningaasanut inatsisissatut siunnersuutip aappassaaneerneqannginnerani allannguutissatut siunnersuuteqarnermikkut missingersuutitut ilanngussami immikkoortoq taanna peeqqullugu Naalakkersuisut ataatsimiititaliamit inassuteqarfigineqarput.

11.3 Konto pingarneq 64.01.05 Nunaqarfinni isorliunerusunilu inuussutissarsiutinik ineriartortitsineq

- a) Matumani aningaasaliissutit aqutigalugit qerititsiviliinissamut/qerititsivinnik anner-tusaanissamut qanoq periarfissaqarpa?
- b) Konto pingaarnermi matumani aningaasaliissutit kommuninut ataatsimoortumik ta-piissutit aqutigalugit kommuninut nuunneqarnissaat Naalakkersuisunit qanoq isu-maqarfigineqarpa. Aningaasat kissaatigineqartutut atorneqarnissaat qulakkeerumal-lugu aningaasat sumut atorneqarnissaat aalajangersarneqarsinnaavoq?
- c) Kommunit siunertamut aningaasanik pingaarnersiuiinissaannik Naalakkersuisut naat-sorsuuteqarnerat qanoq annertutigisumik eqquutsinneqarsimava.
- d) Nuussinissanut piginnaatitsissutit suugaluartulluunniit Inatsisartunit akuerineqar-tussaammata ataatsimiititaliamit eqqumaffigeqquneqassaaq. Aningaasaliissutit atu-gassiissutigineqarnerat missingersuutitut tunngavissarititaasut naapertorlugit pisi-mangimmat ataatsimiititaliamit naapertuussorineqanngilaq. Taamaattumillu ani-ngaasaliissutit missingersuutitut tunngavissarititaasunik sanioqqutsisut atugassiis-sutigineqartinnagit Aningaasaqarnermut Ataatsimiititaliamut akuerisassanngorlugit inassutigineqaaqassapput. Aningaasanut inatsisissatut siunnersuutip aappassaaneer-neqannginnerani allannguutissatut siunnersuuteqarnermikkut missingersuutitut ilan-ngussami immikkoortup kingulliup tullia peeqqullugu Naalakkersuisut ataatsi-miititaliamit inassuteqarfigineqarput.

11.4 Konto pingarneq 64.01.07 Missingersuutitut iluarsiiissutit

- a) Namminersorlutik Oqartussat piginnittutut inissisimanerat nuunneqassappat (sulias-saqarfik 20-mut) konto pingaarnernup matuma suliassaqarfik 10-mut immaqaluunniit 20-mut nuunneqarnissaa Naalakkersuisunit qanoq isumaqarfigineqarpa?

- b) Naalackersuisut naatsorsuutigaat KNI A/S-imut kiffartuussinissamik isumaqatigiisutitip nutarterniarneqarnerata kingunerissagaa KNI A/S-ip illoqarfinni nioqqutissanik pilersuineramik isumaginninnermini konto pingaarneq 64.10.12 naapertorlugu atugasarititaasut isumaqatigiissutigineqartut assingi malissagai, tassunga ilanngullugit ikummatissamik pilersuineq aningaaseriveqartitsineq?
- c) Iluanaarutit annertusineqarnissaannik eqqarsaateqarneq KNI A/S-ip sullitaanik toqqaannanngitsumik akileraarusiinertut Naalackersuisunit isigineqarpa?
- d) Tamatumunnga taarsiullugu konto pingaarnermut 64.10.12-imut, Nioqqutissanik pilersuinermut aningaaseriveqartitsinermullu tunngasumut, aningaasaliissutit ikilisin-neqarsinnaanngillat, taamaaliornikkut 22,682 mio. kr.-inik akiliuteqariarluni tamatumama kingorna tassannga 10 mio. kr.-inik aallertoqaqqunagu?

11.5 Konto pingaarneq 64.10.25 Iliuusissanik suliaqarneq

- a) Konto pingaarnerup matuma suna siunertaraa?
- b) AI 2019-imut aningaasanut inatsisissap isumaqatigiinniutigineqarneranut atatillugu siunertanut allanut nuussinissaq siunertaralugu konto pingaarneq una 49,25 mio. kr.-inik ilanngarneqarpoq. Konto pingaarnermut matumunnga aningaasaliissutit taamatut ilanngarnerisigut nulinnngortinneqarsinnaappat, kingornagullu atorunnaarsinneqarluni?

11.6 Konto pingaarneq 64.10.30 Puisit amiinik tunisineq

Oqaasertaliussamut nassuiaatini misissueqqissaarnissat iliuusissatullu pilersaarutit taaneqarput. Misissueqqissaarnerit iliuusissatullu pilersaarutit suut suliarineqarsimappat?

11.7 Konto pingaarneq 64.10.32 Inuussutissarsiornernik siuarsaanissamut suliniutit

- a) Konto pingaarnermi matumani aningaasaliissutit Greenland Businessimut kommunulluunniit nuunneqarnissaat Naalackersuisunit qanoq isumaqarfigineqarpa?
- b) Aningaasanut inatsisissatut siunnersuutip aappasaaneerneqarnissaa sioqqullugu allannguutissatut siunnersuuteqarnikkut missingersuutinut ilanngussami immikkoortut marluk peerneqarnissaat Naalackersuisunut ataatsimiititaliamit inassutigineqarpoq. Immikkoortuni marlunni taakkunani pineqarput inuussutissarsiutinik ineriartortitsinermut atugassanngortitat assigiinngitsut akornanni iluannilu agguaassinermik allanngortitsisinnaanermut periarfissat (qupp. 622) kiisalu suliassaqrarfiit assigiinngitsut akornanni iluannilu aningaasaliissutinik agguaassinermik allanngortitsisinnaanermut periarfissat (qupp. 622) pineqarput.

11.8 Konto pingaarneq 64.10.33 Takornariaqarnermik aamma misigisartitsinissamut inuussutissarsiutinik ineriartortitsineq

- a) Konto pingaarnermi matumani aningaasaliissutit Greenland Businessimut kommunulluunniit nuunneqarnissaat Naalackersuisunit qanoq isumaqarfigineqarpa?
- b) Nuussinissanut piginnaatitsissutit suugaluartulluunniit Inatsisartunit akuerineqartussaammata ataatsimiititaliamit eqqumaffigeqquneqassaaq. Aningaasaliissutit atugassiissutigineqarnerat missingersuutinut tunngavissarititaasut naapertorlugit pisi-mannngimmat ataatsimiititaliamit naapertuussorineqanngilaq. Taamaattumillu aningaasaliissutit missingersuutinut tunngavissarititaasunik sanioqqutsisut atugassiis-sutigineqartinnagit Aningaasaqarnermut Ataatsimiititaliamut akuerisassanngorlugit inassutigineqaaqqaassapput. Aningaasanut inatsisissatut siunnersuutip aappasaaneer-neqannginnerani allannguutissatut siunnersuuteqarnermikkut missingersuutinut ilanngussami immikkoortoq kingulleq (qupp. 623) peeqqullugu Naalackersuisut ataatsimiititaliamit inassuteqarfigineqarput.

11.9 Konto pingaarneq 64.10.34 Savaaqqanik toqoraavinnut il.il. kiffartuussinissamut isumaqatigiissut

- a) Naalackersuisut suliassamut kisitsinut atatillugu ”ingerlatsinermut il.il. isumaqatigiissutit” itisileqqullugu qinnuigineqarput.
- b) Nuussinissanut piginnaatitsissutit suugaluartulluunniit Inatsisartunit akuerineqartussaammata ataatsimiititaliamit eqqumaffigeqquneqassaaq. Aningaasaliissutit atugassiissutigineqarnerat missingersuutininut tunngavissarititaasut naapertorlugit pisi-mannngimmat ataatsimiititaliamit naapertuussorineqanngilaq. Taamaattumillu aningaasaliissutit missingersuutininut tunngavissarititaasunik sanioqqutsisut atugassiis-suteqartigineqartinnagit Aningaasaqarnermut Ataatsimiititaliamut akuerisassanngor-lugit inassutigineqaaqaassapput. Aningaasanut inatsisissatut siunnersuutip aappassaa-neerneqannginnerani allannguutissatut siunnersuuteqarnermikkut missingersuutininut ilanngussami immikkoortoq kingulleq (qupp. 625) peeqqullugu Naalackersuisut ataatsimiititaliamit inassuteqarfigineqarput.

11.10 Konto pingaarneq 64.12.07 Nukissiornermut kisitsisitigut paasisutissat aamma mi-
ngutitsisunik aniatitsinermut naatsorsuutit

Konto pingaarnermi matumani suliassat Naatsorsueqqissaartarfimmit tiguneqarsinnaaneranni suut aporfiusinnaappat?

11.11 Konto pingaarneq 64.16.02 Pisortatigoortumik suliarinninnerit pisortatigoortumik matussusikkat

- a) Pisortatigoortumik suliarinninnerup isertitanit matussusikkap aammalu pisortatigoor-tumik immikkut suliarinninnerup suna assigiinnngissutigaaq?
- b) Ukiuni kingullerni pingasuni siunnersuisarfiit, oqartussaasut avataaneersut immikkut ilisimasaqarfiusut nunanit tamalaaneersut qasseriarlugit aammalu sorliit ator-neqarsimappat?
- c) Pisortatigoortumik immikkut suliarinninnermut atatillugu angalanernut akunninner-
nullu aningaasartuutit kiisalu piffissaq ator-neqartoq konto pingaarnermi matumani utertitsivigineqartarput. Ukiut kingulliit pingasut ingerlaneranni angalanerit qassit i-
ngerlanneqarsimanersut aammalu kikkut siunertanullu sunut angalasimanersut paasis-
sutissiissutigineqassasoq ataatsimiititaliamit kissaatigineqarpoq.
- d) Ukiut kingulliit pingasut ingerlaneranni kulbrintimut tunngasunik nittarsaassinermut aningaasat qanoq amerlatigisut ator-neqarsimappat? Nittarsaassinermi ingerlatat sor-piaat pineqarpat?
- e) Nuussinissanut piginnaatitsissutit suugaluartulluunniit Inatsisartunit akuerineqar-tussaammata ataatsimiititaliamit eqqumaffigeqquneqassaaq. Aningaasaliissutit atu-gassiissutigineqarnerat missingersuutininut tunngavissarititaasut naapertorlugit pisi-mannngimmat ataatsimiititaliamit naapertuussorineqanngilaq. Taamaattumillu aningaasaliissutit missingersuutininut tunngavissarititaasunik sanioqqutsisut atugassiis-suteqartigineqartinnagit Aningaasaqarnermut Ataatsimiititaliamut akuerisassanngor-lugit inassutigineqaaqaassapput. Aningaasanut inatsisissatut siunnersuutip aappassaa-neerneqannginnerani allannguutissatut siunnersuuteqarnermikkut missingersuutininut ilanngussami qupperneq 635-mi immikkoortut kingulliit sisamaanni oqaaseqatigiit aappaat peeqqullugit Naalackersuisut ataatsimiititaliamit inassuteqarfigineqarput.

11.12 Konto pingaarneq 64.16.03 Ilisimatusarnerit ineriartortitsinerillu kulbrintinut tunngas-
sutillit

Ukiut kingulliit pingasut ingerlaneranni kulbrintimut tunngasunik nittarsaassinermut aningaasat qanoq amerlatigisut atorneqarsimappat? Nittarsaassinermi ingerlatat sor-piaat pineqarpat?

11.13 Konto pingaarneq 64.16.04 Kulbrintinut pilerisaarinissamullu suliniutit

- a) Ukiuni kingullerni pingasuni nunap sannaanik ilisimatuussutsikkut pitsaanerpaamik misissuisoqarnissaata ingerlannissaanut aningaasaliissutinit aningaasat ukiumut qanoq amerlatigisut atorneqarsimanerannut takussutissiamik pissarsisinneqarnissani ataatsimiititaliap kissaatigaa. Taakku qanorpiaq inerneqarsimappat?
- b) Ukiuni kingullerni pingasuni konto pingaarneq una naapertorlugu nunani tamalaani nittarsaassinerit ingerlanneqarnerinut aningaasaliissutinit aningaasat ukiumut qanoq amerlatigisut atorneqarsimanerannut takussutissiamik pissarsisinneqarnissani ataatsimiititaliap kissaatigaa. Taakku qanorpiaq inerneqarsimappat?
- c) Ukiuni kingullerni pingasuni nunap sannaanut ilisimatuussutsikkut paasissutissanik aamma kisitsisitigut toqqorsivinnik ineriartortitsinissap tunniussinissallu ingerlannissaannut aningaasaliissutinit aningaasat ukiumut qanoq amerlatigisut atorneqarsimanerannut takussutissiamik pissarsisinneqarnissani ataatsimiititaliap kissaatigaa. Taakku qanorpiaq inerneqarsimappat? Pisuni taakkunani kisitsisitigut toqqorsiviup taaneqartup saniatigut paasissutissanik allanut tunniussisoqarsimava?
- d) Paasissutissanik konto pingaarneq una aqutugalugu akilerneqartunik tuniniaanermit qanoq annertutigisumik isertitaqartoqarsimaneranut takussutissiamik pissarsisinneqarnissaq ataatsimiititaliap kissaatigaa. Takussutissiami ilaatinneqassapput ukiuni kingullerni pingasuni ukiumut isertitat.
- e) Kulbrintimut attuumassuteqartunik nittarsaassinernut suliniutinullu avataanit aningaasalersorneqartunut atatillugu isertitat qanoq amerlatiginerannut takussutissiamik pissarsisinneqarnissaq ataatsimiititaliap kissaatigaa. Takussutissiami ilaatinneqassapput ukiuni kingullerni pingasuni ukiumut isertitat.
- f) Missingersuusiormut malittarisassaq 2008-meersoq naapertorlugu ingerlatsinermit kontonut missingersuutinut ilanngussat missingersuutit immikkortiterneqarnerannik imaqqassapput akissarsianut aningaasartuutinut, aningaasartuutinut allanut immaqalu isertitanut agguataarneqartunik. Tamatuma saniatigut ingerlatsinermit aningaasaliissutit imarissavaat sulisorisassatut naatsorsuutigisanut takussutissiat pisortanut sulusunullu allanut agguataarlugu. Pissutsinik siuliani taaneqartunik aaqiissutaasumik aningaasanut inatsisissatut siunnersuutip aappassaaneerpeqarnissaanut allannguutissatut siunnersuummik Naalakkersuisut saqqummiussinissaat ataatsimiititaliamit naatsorsuutigineqarpoq.

11.14 Konto pingaarneq 64.16.05 Suliffeqarfik isertitatigut matussusigaq – kulbrintinut tunngasooq

- a) Ulloq manna tikillugu illuartitat tamarmiusut inernerat paasissutissiissutigineqassasoq ataatsimiititaliamit kissaatigineqarpoq.
- b) Ulloq manna tikillugu illuartitanit ukiumoortumik atugassiissutit pillugit paasissutisinneqarnissani ataatsimiititaliap kissaatigaa, tamatumani aningaasat qanoq amerlatigisut siunertanullu sunut atugassiissutigineqarsimanersut paasissutissiissutigalugu.
- c) Ukiuni kingullerni pingasuni siunnersuisarfiit, oqartussaasut avataaneersut immikkut ilisimasaqarfiusut nunanit tamalaaneersut qasseriartugit aammalu sorliit atorneqarsimappat?
- d) Konto pingaarneq una aqutugalugu isertitanut takussutissiaq ataatsimiititaliap kissaatigaa. Ukiuni kingullerni pingasuni ukiumoortumik isertitat takussutissiami ilanngunneqassapput.

- e) Konto pingaarneq una aqutigalugu aningaasartuutitut takussutissiaq ataatsimiititaliap kissaatigaa. Ukiuni kingullerni pingasuni ukiumoortumik aningaasartuutitut takussutissiami ilanngunneqassapput.
- f) Missingersuusiornermut malittarisassaq 2008-meersoq naapertorlugu ingerlatsinermit kontonut missingersuutitut ilanngussat missingersuutitut immikkortiterneqarnerannik imaqqassapput akissarsianut aningaasartuutitut, aningaasartuutitut allanut immaqalu isertitanut agguataarneqartunik. Tamatuma saniatigut ingerlatsinermit aningaasaliissutitut imarissavaat sulisorisassatut naatsorsuutigisanut takussutissiat pisortanut sulusunullu allanut agguataarlugu. Pissutsinik siuliani taaneqartunik aaqqiissutaasumik aningaasanut inatsisissatut siunnersuutip aappassaaneerseqarnissaanut allannguutissatut siunnersuummik Naalakkersuisut saqqummiussinissaat ataatsimiititaliamit naatsorsuutigineqarpoq.

11.15 Konto pingaarneq 64.30.01 Ilisimatusarneq

Aningaasaliissutitut appasinnerat ataatsimiititaliamit siusinnerusukkut apeqquaqarfigineqarsimavoq Naalakkersuisut akipput aningaasaliissutitut 2019-imi ukiunilu missingersuusiorfiusuni amerlineqarsimasut.

Ilisimatusarnermi ilisimasani katersivik suli salliutinneqarpa?

12. Suliassaqarfik 66 – 67 Aatsitassanut Suliffeqarnermullu Naalakkersuisoq

12.1 Suliassaqarfik 67 Aatsitassanut Suliffeqarnermullu Naalakkersuisoq

2019-2023-imi aatsitassanut periusissiap nassiunneqarnissaa ataatsimiititaliamit kissaatigineqarpoq.

12.2 Konto pingaarneq 67.01.03 Geologiimut pilersaarusionermullu suliniutit

Aningaasaliissutit ikilineqarnerat taaneqartoq nittarsaassinermut aammalu konto pingaarnermi siunertat sinnerinut qanoq kinguneqassava?

12.3 Konto pingaarneq 67.01.09 Aatsitassanut Isumalioqatigiissitat

Isumalioqatigiissitaliorminni Naalakkersuisut suna siunertaraat? Isumalioqatigiissitamut suliakkiut suliarineqarsimava?

12.4 Konto pingaarneq 67.02.02 Suliffissaqartitsiniarnermut immikkoortortaqarfik

- a) Pikkorissartitsinerit suut neqeroorutigineqartarpat?
- b) Pikkorissartitsinissamik neqeroorutit sanaartornermut suliani aammalu suliassaqarfinni allani aatsitassarsiornermut tunngasuunngitsuni pisariaqartitsinermut naapertuuttut Naalakkersuisut isumaqarpat?
- c) Sulisut ilinniarteqqinnissannut aningaasanik qinnuteqarnissamut sulisitsisut namminersortut periarfissaqarpat?

12.5 Konto pingaarnerit 67.02.05 Majoriaq aamma 67.02.07 Ilinniartunut tapiissutit - Majoriaq

- a) Majoriamut aningaasaliissutit ikilineqarnerat malillugu ilinniartunut tapiissutit ilinniartullu amerlassusiligaaneri soq ikilisinneqarneq ajorpat?
- b) Aningaasaliissutit ikilineqarnerat aningaasat nalingisa pitsaasumik maanna ineriartornerannik suliffissaaleqisullu ikinnerannik Naalakkersuisut pissuteqarnerarpat. Ineriartorneq tamanna piginnaasanik ineriartortitsinissamik pisariaqartitsisut ikiliartornerannik pisariaqartitsiunnaarnerannilluunniit nassataqarnersoq paasisutissiisutigineqassasoq ataatsimiititaliamit kissaatigineqarpoq?

13. Suliassaqarfik 70 – 72 - Ineqarnermut Attaveqaqatigiinnermullu Naalakkersuisoq

13.1 Konto pingaarneq 70.01.07 Sanaartornermi oqartussaassuseq

- a) Aqquserngit pillugit suliat sulisut ataatsimik ilanerisigut ingerlanneqartussatut naatso-
rsuutigineqartut imarisaat itisileqqullugit Naalakkersuisut qinnuigineqarput.
- b) Aqqusiniassanik misissuineri pilersaarusiornermilu kommunit suleqatiginissaat
Naalakkersuisut qanoq pilersaaruteqarfigaat?
- c) Pisortat sulisullu agguarnerat pisortat 2/3-nut sulisullu 3/6-inut amerlinerisigut
pitsanngoriartinneqarpoq, sulili agguarnerat qaffasingaatsiarluni. Tamatumunnga suna
pissutaava? (tamanna aamma atuuppoq 70.10.03-mi aamma 72.02.03-mi).

13.2 Konto pingaarneq 70.10.03 Sillimmasiinerit

Kalaallit Nunaanni sillimmasiisarfirmik (UKA2017/125) pilersitsinerup iluaqutissartai-
/akornutissartai pillugit nassuiaammik Naalakkersuisut suliaqarpat? Tamanna Naalakkersuis-
unit qanoq isumaqarfigineqarpa?

13.3 Konto pingaarneq 72.06.51 Inissianik tunisineq/ilanngaaseereerluni tunniussineq

Suliassami kisitsisitut naatsorsuutigineqartut itisilernerqarnissaat ataatsimiititaliamit
kissaatigineqarpoq. 2020-mi kingornalu katillugit 30-nik tunisinerit isertitanut taama annikit-
sigisumik amerleriaataasinnaappat? Sooq 2019-imit 2020-mut isertitassatut missingikkat iki-
leriarpat, uffa tunineqartussat amerlassusaat taamaaginnartussatut naatsorsuutigineqartoq?

13.4 Konto pingaarneq 72.20.02 Kalaallit Nunaanni TV-kkut radiukkullu aallakaatitanik siammarterineq

Najukkani tv-kkut raadiukkullu kanalit atorlugit allakaatititsisinnaanissaq/aallakaatitat amer-
linissaat Naalakkersuisut pilersaarutigaat?

13.5 Konto pingaarneq 72.20.05 Ilaasunik angallassinermut tapiissutit

- a) Angallannikkut aqqqissuussinerit pitsaasut atorsinnaasullu innuttaasunut tamanut ilu-
aqusiisut pilersinnissaat pingaaruteqartoq Aningaasaqarnermut Akileraartarnermullu
Ataat-simiititaliaq isumaqarpoq. Naalakkersuisut tamanna qanoq oqaaseqarfiginna-
vaat?
- b) Air Greenlandip pisiarinera kiffartuussinissamik isumaqatigiissutissanut qanoq sunni-
uteqartussatut Naalakkersuisunit ilimagineqarpa?
- c) Air Greenlandimi aktianik pisineq pillugu nalinginnaasumik nassuiaatini allassimasut
(qupp. 163 KAL) malillugit isumaqarnarpoq neqeroortitseqqaarnani siunissami kif-
fartuussinissamik isumaqatigiissutit ingerlatseqatigiiffimmuut tunniunneqarnissaat aa-
lajangiunneqa-reersimasoq. Naalakkersuisut tamanna qanoq oqaaseqarfigisinnaavaat?
- d) Neqeroortitsisarnerup siusinnerukkuat ingerlanneqartup misissuiffigineqarnerani nunap
kukkunersiuisuata oqaaseqaatai qanoq isumaqarfigineqarnerisut paasissutissiissuti-
geqqullugu Naalakkersuisut qinnuigineqarput.

13.6 Konto pingaarneq 72.20.07 Ineriartortitsineq nakkutiginninnerlu, angallannermut su- liassaqarfik

”Kangerlussuarmi Narsarsuarmilu mittarfinnik allanngortiterinnermut tunngatillugu” oqar-
nermi suna pineqarpa? (Qupp.690 KAL) Mittarfiit siunissaat pillugu aalajangiisoqarpa?

13.7 Konto pingaarneq 72.26.02 Mittarfeqarfiit

Mittarfeqarfiit sanaartugaataasa ingerlatsinikkut isumannaallisaanikkullu silaannakkut angal-
lassinnermut uloriarnartorsortitseqqunagit Mittarfeqarfiit sanaartugaataasa atortuisalu pisari-

aqartutut pitsaassuseqarnissaannik ajornartorsiut qaqugu aaqqinneqartussatut Naalakkersuis-
unit naatsorsuutigineqarpa?

14. Suliassaqarfik 73 – 77 - Naalakkersuisut Siulittaasuat

14.1 Konto pingaarneq 77.05.02 Pinnngortitaleriffik

Pinnngortitaleriffiup Kalaallit Nunaata avannaani immikkoortortaqaqarfilerneqarsinnaanera Naalakkersuisunit qanoq isumaqarfigineqarpa?

14.2 Konto pingaarneq 77.05.08 Avatangiisinut Aningaasaateqarfik

Aningaasaateqarfiup isertitaqarnissaa qulakkeerniarlugu Naalakkersuisut maanna qanoq pilersaaruteqarpat?

15. Suliassaqarfik 80-89 - Sanaartugassat

15.1 Konto pingaarneq 83.30.12 Utoqqaat angerlarsimaffii

- a) Aningaasaliissutit taama annertutigisumik ikileriarnerannut suna tunngaviua? Utoqqarnut inissiat pillugit anguniakkatik kommunit oqaasertalersorsimavaat?
- b) Inissiat utoqqarnit ilinniartunilluunniit atorineqarsinnaasut qanoq annertutigisumik sanaartorneqarpat?
- c) Upernavik Aasiaallu pereerpata kommunit sorliit utoqqarnut angerlarsimaffimminnik allileriffigineqartussanngussappat?
- d) Aasianni, Upernavimmi Narsamilu suli at sumut killippat?
- e) Kommunit taaguutitoqaaat AIS2019-imi suli atorineqartut ataatsimiititaliamit maluginiarneqarpoq.

15.2 Konto pingaarneq 83.30.13 Nuna tamakkerlugu paaqqinniffiit Innarluutilinnut angerlarsimaffik Sungiusarfik Ikinngut FN-ip innarluutilinnut isumaqatigiissutaani piumasaqataqatinik tamakkiisumik eqquutsitsisinnaasutut Naalakkersuisunit naatsorsuutigineqarpa?

15.3 Konto pingaarneq 84.40.14 Kulturimut timersornermullu atatillugu sanaartorneq
Aningaasaliissutit immikkoortinneqartut inooriaatsimik aallaaveqartumik nappaatit ikilisin-
neqarnissaannut peqataaqataasinnaasutut Naalakkersuisunit isigineqarpat?

15.4 Konto pingaarneq 84.40.15 Ilinniartut inaannik sanaartorneq

- a) Inissat qanoq amerlatigisut amigaatigineqarpat?
- b) Nalinginnaasumik nassuiaatini (qupp. 191 KAL) allassimavoq ”tassa suli atorineqanngitsunik sanaartornermut iluarsaassinermullu aningaasaateqarfimmi aningaasaqar-
mat”. Tamanna qanoq paasineqassava?

15.5 Konto pingaarneq 86.60.01 Peqqinnissaqarfik

- a) Nunaqarfinni peqqinnissakkut sullissineq/atortulersuutit nukittorsaavigineqarnissaat pilersaarutigineqarpa?
- b) Nuummi napparsimasut innanngavianik aammalu sinerissamit nakorsiat inissaannik nutaanik suiniutip aningaasaateqarfinit aningaasalersorneqarnissaanik isumaliutit Naalakkersuisunit itisilerneqarnissaat ataatsimiititaliamit kissaatigineqarpoq.

15.6 Konto pingaarneq 87.73.12 Umiarsualivinnut talittarfinnullu aningaasaliissutit

- a) Kangerlussuarmi talittarfiliornissap kinguartinneqarnera nassuiaatigeqqullugu Naalakkersuisut qinnuigineqarput.
- b) Uummannaq takussutissiami takuneqarsinnaanngilaq. Tamatumunnga suna pissutaa-
va?

15.7 Konto pingaarneq 87.73.20 Mittarfiit aaqqissuussaanerannik annertusaaneq
Mittarfiliornissap akuerineqarnerata kingorna UPA2015/18-imut aamma 67-imut tunngavik
allannguuteqarpa?

15.8 Konto pingaarneq 89.71.40 Nukissiorfiit, sanaartornermut taarsigassarsiarititat
Suumiiffinni imertartarfinnik imiisivinnillu suli atuiffiusuni erngup aqqutaannik pilersitsinis-
samut Naalakkersuisut qanoq pilersaaruteqarpat?

15.9 Konto pingaarneq 89.72.12 Inissialiassat taartissanillu inissialiortiterneq

Illuutitik inuinnarnut tunisinissamik Naalakkersuisut pilersaaruteqarpat?

Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutinut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut kingusinnerpaamik pingasunngorneq ulloq 4. oktober 2019, nal. 12.00 Aningaasaqarnermut Akileraartarnermullu Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik saam@inatsisartut.gl-imut nassiuteqquneqarpoq.

Allakkiaq una aamma elektroniskimik oedfu@nanoq.gl-imut nassiunneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua